

中國邊疆叢書第二輯

焦應旂撰

西藏志

(全)

文海出版社印行

影印「西藏志」前言

沈雲龍

西藏志，清焦應旂撰，其里籍不詳。康熙五十年辛卯（一七一〇）應旂任陝西涇陽知縣。五十四年乙未（一七一五），準噶爾部策妄阿拉布坦（一作策妄喇布坦）侵哈密，清廷命吏部尚書富凌安率大軍出甘州，馳驛往援。時西北軍輸孔亟，涇陽又地當要衝，應旂遂於次年丙申二月，始捧檄從軍，司轉運糧儲之責。

五十六年丁酉（一七一七），策妄復遣其將策零敦多布統兵繞戈壁，逾和闐南昆侖山，擾西藏，於是年十月陷拉薩，殺拉藏汗，并囚拉藏所立之達賴六世於扎克布里寺。藏人乞援，請廷命西安將軍額倫特督滿漢兵，自西寧出青海赴援，與策零敦多布戰於哈喇烏蘇河，全軍盡沒，額倫特死之，時五十七年戊戌（一七一八）七月也。

於是清廷乃命撫遠大將軍固山貝子允禩，總督西征之師，駐西寧，會同四川總督年羹堯遣兵援藏；復於五十九年庚子（一七二〇）二月，加封青海噶爾藏堅錯爲宏法覺衆第六世達賴喇嘛，派平逆將軍延信統率蒙古青海兵護送；又令四川軍出打箭爐，分道入藏；別命允禩自西寧移駐木魯烏蘇，管理進藏軍務糧餉。延信以四月發西寧，至八月而度當拉嶺；四川軍統領噶弼，副將岳鍾琪則自裏塘，巴塘招撫番衆，於八月初經察木多越拉里而西，策零敦多

W 115/100

布自引兵拒延信軍於楚瑪拉池附近，再戰再北，而四川軍已於八月二十三日入拉薩，策零敦多布進退受敵，乃由舊路北竄，羣衆潰散。延信等遂於九月八日送新封達賴至拉薩登座，全境悉平。旋奉詔班師，留蒙古兵二千鎮戍，而以拉藏汗舊臣康濟鼐及頗羅鼐，分掌前後藏政權。及雍正初，乃設駐藏大臣以監之，自後西藏始確爲中國屬土焉！

自西陲用兵以來，餉糈浩繁，轉運不絕，逮援藏之役起，應旂復奉調押運，自庚子四月，由西寧入藏取道日月山，越六旬而抵索力奔，渡黃河，經星宿海，於七月二十一日，始至木魯烏蘇，允禩駐軍於此。繼又奉命押運牛羊，隨延信大軍之後，以濟軍需，計自八月十一日起程，十一月初一日始至拉薩，所歷皆微行小徑，無人跡往來，深山窮苦，幾陷迷途。應旂抵藏，大軍已告捷，僅寓八日，即隨軍凱旋東歸，取道察木多，巴塘、裡塘，而於翌年辛丑（一七二一）三月經打箭爐，入成都，由川北回陝；五月，返抵涇陽本任。六載于役，備諸艱險，幸得生還。時應旂年五十七歲，乃以所撰「藏程紀略」一篇，冠諸西藏志之首，及身親歷，彌足珍貴。以下分敘有關西藏之事蹟、疆圍、山川、寺廟、天時、物產、歲節、紀年、風俗、衣冠、飲食、夫婦、生育、喪葬、醫藥、占卜、禮儀、宴會、市肆、房舍、刑法、封爵、邊防、徵調、賦役、朝貢、外番、碑文、唐碑、台站、糧台等項，至爲扼要，不僅得以藉知早期之清藏關係，而西藏之政制風土習俗，亦足資研究參考。惟志中有涉及雍乾時

代者，似此書之纂成及梓行，或當在乾隆以後也。

民國五十五年元月九日於台北

影印「西藏圖說」前言

沈雲龍

西藏圖說原書四冊，係根據道光間手抄本。著者松筠，字湘圃，姓瑪拉特氏，蒙古正藍旗人。生乾隆十九年甲戌，歿道光十五年乙未，年八十二（一七五四——一八三三），諡文清。清史有傳。著者於乾隆五十九年（一七九四）甲寅八月，充駐藏辦事大臣，至嘉慶四年（一七九九）己未正月，召還京，駐藏凡五載，曾於乾隆六十年（一七九五）乙卯四月巡邊，自前藏經曲水，過巴則、江孜，行抵後藏；復由扎什倫布走岡堅寺、彭錯嶺、拉孜、羅羅脇噶爾，過定日，通拉大山，至聶拉木，達鄰近尼泊爾邊界。又由達結爾嶺西轉，經過白孜草地、聶塘、拉大山、瓊噶爾寺南轉，出宗喀，至濟隴，仍旋宗喀，東北行，至拉孜，入東山，至薩迦溝廟。復自廟北行，出山，仍走岡堅寺，還至扎什倫布。往復略地，隨在繪圖，并撰「巡邊記」，泐石於前後藏及江孜演武廳，另於嘉慶三年（一七九八）戊午，著「西招圖略」二十八條，俾後之治藏守邊者知所取鑑。

本書末一冊爲附錄，記前藏至西寧路程，蓋爲當時來往之通道。前三冊爲圖說，自打箭鑪、裏塘、巴塘、三臺及廓爾喀部交界均繪入，計總圖一，分圖十五，俱有說明。本叢書第一輯黃沛翹編「西藏圖考」（光緒二十年甲午刊本），其中「西招原圖」十二幅，專取當時

西藏轄地，西起濟隴、聶拉木，東迄巴塘之寧靜山界碑，即純就本書所臨摹，益可見本書之珍貴價值。

惟本書雖繪圖明確精細而方向倒置，殆著者取懷柔之義，故左東右西，取拱極之義，故上南下北，殊與古法相異，不無微疵。然著者就巡閱之所經，識山川之扼要，棋布星羅，燦然大備，自來西藏專圖，無有逾有此者。以視今日坊間出版有關西藏圖籍之簡略，更令人興「今不如古」之歎，幸讀者垂注及之。

民國五十五年元月十一日於台北

藏程紀畧

夫藏何自昉乎古稱西方有聖人謂佛生其地世居於此是耶否耶然則何爲以藏名藏之爲言藏也無盡藏之謂也意者以梵書三藏有經藏律藏輪藏之說若是之無盡藏耶其土著番人又稱之曰招此不知何解大要土語蠻音有聲無字其無所取義無疑獨是上古之時不聞有佛也漢唐間始重虛無寂滅之教數遣使西域求佛經迎佛骨而佛教之興流傳

中國迄今千百祀不改雕形塑像崇建禪林釋子尼
僧皈依法戒世俗庸衆從而敬信之持齋素樂佈施
動曰廣積功因愿登西方極樂世界雖捨身破家勿
惜有心世道者亦徃徃置而弗論要不過存此法門
以警衆覺愚醒迷啟悟使之念佛從善不大失其本
心而止固未嘗身履藏地亦未知有所謂活佛也余
宰涇之四年西塞賊匪跳梁侵擾哈密

天子簡將征討乙未夏余捧檄從軍轉運糧儲歷有四載

嗣因逆賊勢窮潛行狡計掠及藏地

天子怒其猖獗 特命大將軍王 親統六師殄茲小醜

因逆達賴喇嘛進藏是卽活佛余偕同事諸公奉調

押運庚子四月由西寧出關走日月山喀什哈水柴

鷄口工疇腦兒以及奪洛達巴等處赤日之下雪雹

時加伏暑之中嚴霜夜襲天時地氣之不同蓋與中

原迥絕越六旬而抵索力莽過黃河經星宿海水面

平濶無際波瀾不驚上下天光一碧萬頃海中石山

一座相傳山底有七孔水從孔中迸出生平讀山海
經覽輿圖記謂河源經出于此竊疑爲誕今果信其
不誣也自是而往亞喇塔夷之地藥草傷生拜顏哈
拉之區瘴癘彌毒人畜中之不一二日輒死屍填道
路莫可計勝余至此隨行僕從十日內死者八人此
時此際行者寒心見者慘目生死存亡惟付之天命
無可如何耳初秋念有一日始至木魯烏素番語水
名烏素
名通天河迺金沙江之源也時則 王師屯駐河東

平逆將軍延 率各都統提鎮蒙古諸部落舉兵

進藏余復奉 王諭押送牛羊隨大兵後以濟軍糈

於八月十一日起程十七日渡七岔河其處乃微行
小徑無人跡往來無番夷住址深山窮谷罔識道途
惟相其形勢審其方向指西南以行雖早夜奔馳而
心中茫然不卜所之何地也旣而得歸大路會官兵
安塘其地憂方稍解計木魯烏素至此僅六七日之
程而失路遷延已半月餘矣正欲倍道兼馳奮力前

往不期舊站改移中途多阻時 將軍延 因前軍
戰捷慮賊截後糧路令撤舊塘改于山南由是覓嚮
導達新台八無人之境艱辛苦況較日前倍甚塔子
頭上帳冷毡寒水草灘中人顛馬仆入深谷則亂石
參差爪牙爭錯也越打班則層巒峭壁手足伏行也
又况番夷狡悍剽掠成風百十爲群潛匿幽僻晝則
奪物夜則劫營 余甫過哈喇烏素而騾馬搶去已盡
卽我同事諸公亦鮮有不受其累者如此兇頑是又

不待教而誅者也仲冬朔日方抵西藏至則我師告
捷逆賊敗走而達賴喇嘛已八座矣非

聖天子文德武功丕著無外烏能如是耶迨觀藏內形勝
山水環秀土田沃衍樹木濃蔭民居稠密且風和日
暖嚴冬之際冰雪不凝洵塞域之別有天地也平川
中擁一石山較諸峯獨小上建寺院爲活佛所居層
樓翠閣幾數百重金光絢麗美不勝述問所由來僉
云活佛之生代有其人本係原身轉世脫胎無過番

民之家但不一其地始生時卽能言前世事衣鉢所傳一一不迷人驗其真爭相頂禮迎入前藏升座徒衆千萬番民日朝如市非特近地爲然遠及西海青海各國蒙古諸王部落皆以時來見所貢皮幣犬馬珠玉奇產異物不一而足嗟夫世之膺大位享大名身都富貴者福澤非不厚也然而名利場中事物經心攘攘勞勞迄無寧息茲觀達賴喇嘛居然赤子無知本來面目一塵不染其宮室居處如是服食器用

如是人心悅服無不如是雖富貴之極無所用之然則所謂活佛者蓋現在受福之人也佛云乎哉余寓藏八日公事甫竣方得登堂一見見畢卽行未獲從容遊覽娛暢心目殊爲恨事值大兵凱旋隨之東歸是時裘敝金盡騾馬不能置惟購牛數頭僅載帳房衣被輕騎以從他物悉屏棄僕從步隨踰墨竹以長征向江答而就道穿林入澤履險蹈危或步石級或緣木棧閱二十餘日望喇里之山高聳挿天自山下

起行盡日乃及山肩天晚不能過其地皆亂石險窄
平不滿丈且烟瘴甚大無片柴寸草雖勺水難覓乃
坐臥一夕人馬俱凍餒次日陟其巔則堅冰滑雪萬
仞崇崗如銀光一片俯首下視神昏心悸毛骨悚然
令人欲死不得已乃鋪毡坐雪上腰繫以繩僕從前
拖後曳盤旋而下行行李什物憑空而擲牛馬則縛足
下墜傷斃者大半是誠有生來未歷之境未嘗之苦
也夫何行動正艱口糧告絕且番地又不產米惟日

食青糲以充飢腹如此者半月當除夕佳辰元旦令
節求粒米沾口不可得困頓至此其何以堪厥後行
至察木多 川督年 念進藏官兵勞苦已甚恐流
離異域特委永寧道遲 屯糧接濟因得日支米二
升麵二升并借庫銀二百兩以資盤費涸轍之困藉
以復甦茲豈非天幸耶爰是更覓番驪稍載行囊整
轡以往歷工多阿朗麻之地芻草空虛過湯噶丹達
木之村人民殷富坡高而險紫霧陰霾查喇松多可

畏也雪連四崗寒風徹骨宗洛二巴其最焉邊把俗
尙寬柔阿則人心狡詐碩板多之山崇嶺峻行來扶
杖牽衣洛龍宗之怪石巉岩到處左盤右折昌都多
勝概形連二水環龍占兌有奇觀勢若千軍駐馬曰
阿布喇曰黎樹村村盜藪曰夾霸曰江噶處處賊窩
凡屬行役征夫罔不驚心喪胆至如漢人寺房舍無
殊內地核桃園風景頗似中華時方二月之初日正
上旬之內紅杏發而芬芳綠柳垂而青翠田園禾黍

郁郁青青鳥語花香風薰日暖爲憶出口以來殊方
絕域馳驅萬里舉目淒涼幾年矣今見及此能不
令人心目俱爽耶繼此則古都龍卽金沙江過渡處
有大船四隻千餘人馬片時卽渡塞地河道頗多或
係木橋或用皮筏舟楫往來此其僅見者其兩岸桃
李爭妍村落依山如画土產葡萄最廣蠻人以此造
酒飲之亦能醉人再行七十里至巴塘氣候溫暖地
關人稠花木繁茂可觀且集市之所內地漢人亦寓

此貿易余至此人困馬乏歇息三日然後起行本又
木山高百里越二日而始登大所塘路通一線值三
春其未暖諸物競售冷水灣附近波黎四面皆川乾
海子潛藏寇盜惟茲數日之內無非雪路行程策驚
前征裡塘告屆其寺院之華麗喇嘛之衆多諸貨之
集聚較巴塘稍勝所不及者地道寒冷無嘉田花木
之美耳次日宿河下及啞麻喇東行臥洛波雪地六
十里深三餘尺至剪子灣而下及麻蓋中漸下抵鴨

綠江蓋約百餘里云江水碧清而溜兩岸巖石甚險
難以舟渡有大船數隻橫其中掩大板作浮橋車馬
往來殆若坦途過此則江以東由八角樓臥龍石以
至那凹者多雖屬番民逼近內地知畏王法爲化林
營所轄商民經過者卽一二人可行可止永無夾填
之患矣三月初四日進打箭爐爲蜀西極邊皆番地
乃藏路咽喉土官明鎮司統屬其先叛服不常康熙
三十八年調兵勦平之宣以恩威彰以信義莫不頌

心向化今設兵戍守其地番漢咸集交相貿易稱鬧
市焉余於此馬疲力倦乃覓夫乘小竹輿自頭道水
越冷竹關抵瀘定橋橋高十餘丈長數百步兩岸建
亭閣用大鐵繩九條編亘飛渡其上覆以木板若天
塹然人馬須少行徐徐而過多卽搖動若遇風則斷
不可行矣繼此則化林坪飛越嶺再進而牛市坡羊
圈門山勢陡惡石路艱難莫可殫述過黎雅之墟歷
邛笮之境俗稱武侯擒獲文君當壚其舊地也念一

日八成都省會之區沃野千里人民輻湊景物豐美
文采風流埒於中州獨是錦江雖麗浣笈無存楊雄
相如之故宅僅載誌乘西望漢陵昭烈帝之遺徽有
不禁慨然嘆息者又如新都之龍門漢州之房湖高
人逸士所觴咏皆足動人感懷由德陽至落鳳坡龐
士元之墓祠宛在經綿州及梓潼縣文昌君之廟貌
巍然劍關石壁峭聳棧道木架凌空閣曰馬鳴見于
昭化驛名等筆著于廣元千佛岩與飛霞洞同山朝

天開並神仙驛接壤行是路者南棧固艱而北棧尤
險寧羗過金牛之峽嘆五丁開道恃勇而愚褻汚踰
鷄頭之關羨子房學仙養真自適陳倉古渡碣存於
留壩靈鳳飛來窠見于南星黃牛山勢龍從寶雞川
原平衍岐山爲周室發祥之舊扶風乃漢朝京輔之
遺自是而達醴泉適涇干可旦夕至也計余自丙申
二月從軍至辛丑五月回署六載于外雖王事靡
盬勞瘁弗辭而以衰弱微軀頻年奔走旦夕無休宿

露披霜含飢忍凍崎嶇歷盡皮骨僅存所幸以生還
無恙者皆 上蒼默佑所致也嗚呼余年五十有七
矣毛髮蒼蒼精神多憊回憶少時居處家庭愧未能
窮山極水以窺天下名勝繼而上公車登仕籍游覽
荆襄韓魏間以及燕趙秦晉諸大境于水見江淮河
漢非不大且深也于山見終南恒華非不高且遠也
然猶是中國以內名山勝蹟游人之所寓目仙客之
所景從不惜身至其地親見其實乃若遐荒絕塞舟

車不至誰探星宿之源封禪無聞孰陟崑崙之頂如
所謂藏如所謂佛則亦虛誕險遠之說固不必其至
之不必其見之也不必至而竟至之不必見而竟見
之可不謂僅事歟因不揣固陋於回藏之暇援筆以
紀其略匪敢矜功市異亦以誌此番閱歷此番辛苦
出之生平意外者觸目警心以示安不忘危逸不忘
勞之意云爾

肯

康熙辛丑仲夏中浣之吉知涇陽縣事焦應旂識

西
王
前

西藏誌

事蹟

西藏一隅諸鑿多未詳載考其地卽西吐蕃也唐曰
烏斯國明曰烏斯藏今曰圖伯特又曰唐古忒居在
萬峯之中爲西方極勝之區環山拱合百源滙流自
墨竹工卡而下統召之南西瀉頗得天地之靈脉布
達拉之飛閣層樓麗色奪目別蚌色拉甘丹桑噶四
大寺拱朝于四方東與川滇聯界西與青海接壤其

直抵河湟通西洋達噶斯天文井鬼分野時歲稍寒
物產無幾地多水泉土人以爲海眼春則凍醒夏秋
陰雨覺盛土人分爲三部曰康曰衛曰藏康者卽今
之察木多一路衛者卽西藏拉撒召一帶藏者乃後
藏扎什隆布一帶此三部皆爲番僧之淵藪黃教之
總滙其地人民尊尙佛教敬信喇嘛所最崇信者如
達賴喇嘛班禪喇嘛噶嗎巴沙嗎納等輩其他不迷
性之呼圖克圖在在皆有不能枚舉俱爲人所崇奉

信如靈神欽若活佛凡所謂呼圖克圖者乃係身後
知前生之事人故敬之然番民風俗鄙污不堪人皆
垢面蓬頭形類犬羊無論僧俗莫不以利是貪爲尙
古所不化之地自唐孝德皇帝以公主下嫁蕃王和
親之後始與中國通往來其國之始爲君者乃額勒
特莽固禮之後馬克已之子納禮藏布傳數世至蘇
隆藏千布其勢始大併西番地內附于唐唐以公主
妻之而蘇隆藏千布又娶白國王之女爲妾唐公主

好善修大小二召竝築城於布達拉爲宮室唐番二
國分定疆界設立誓盟不相侵犯立碑于大召前永
爲誓約相傳云昔唐三藏取經曾履此地今大召之
前廊尙繪有師徒四衆之像云猪八戒招親之高老
庄亦卽今之采里其真其誕俗傳如斯自唐而下宋
元之間其國未聞明萬歷時太監楊英至其地齋勅
封楚布寺業郎寺之紅帽黑帽呼圖克圖噶嗎巴沙
嗎納二人爲西天大善自在佛如來大寶法王灌頂

大國師賜予印冊封甲操楞布氣褒玉楞布氣二人
爲灌頂禪師至我

太宗文皇帝之崇德七年班禪額爾德尼達賴喇嘛固始
汗咸謂東土有

聖人出焉遣使達

盛京約行善事歲通貢表西藏大召之地呼爲拉撒拉
撒者華言佛地也舊有城廓于康熙六十年定西將
軍護國公策旺諾爾布毀之改築西南石堤自東北

郎路山脚起至布達拉對面小山招拉筆洞止長約三十里以邊藏江之水勢今呼爲神堤每歲正月聚各寺喇嘛于大召內念大經畢令衆喇嘛各增添砌惟此乃喇嘛一役至番王蘇隆藏千布乃觀音菩薩分體之光化生故常在輪迴而其本性不昧曰根敦朱巴曰根敦姜錯曰朔納木姜錯曰雲登姜錯曰阿旺羅藏姜錯曰羅進仁進姜錯相繼轉生凡六世皆稱爲達賴喇嘛而興黃教于西域第五輩達賴喇嘛

八觀

世祖章皇帝勅賜金冊印封爲臣領西天佛教普覺幹濟
達賴喇嘛時有蒙古古什罕自青海起兵滅藏巴罕
據其地至其子達彥罕孫達賴罕皆敬附中國後有
牒巴三節者專國倡亂古什罕曾孫拉藏滅之蒙

聖祖仁皇帝褒封命嗣爲罕而達賴喇嘛又化生于裡塘
地方名曰噶爾藏嘉慕青海蒙古稱爲呼必爾罕蠻
人稱爲申凹革桑姜錯生二歲青海蒙古搬至西寧

之塔爾寺坐床復爲西方瞻仰適準噶爾逆賊策妄
阿拉布坦妄自生釁自伊里遣其賊將策冷敦多布
領兵攻殺拉藏罕擄其子蘇爾札毀滅黃教荼毒生
靈肆行猖獗蹂躪藏地我

聖祖仁皇帝天地爲心以一隅之未靖慮一夫之失所

特遣將軍額倫特都統色倫額革職四川提督康泰統滿
漢官兵分道勦伐渡通天河三敗賊衆而策冷敦多
布分兵遏我糧餉軍中食盡將士枵腹至哈拉烏蘇

爲賊所困全軍餓斃其提督康泰至拉里之西爲賊
僧黑喇嘛誘殺于是賊衆復逞螳臂肆其跳梁燬壞
經典竊據藏地

聖祖仁皇帝赫然震怒遣靖逆將軍富寧安駐兵巴爾庫
爾以分賊勢爰

命皇子允禔爲撫遠大將軍統帥六師駐節西寧調餉徵
兵將塔爾寺之呼必爾罕

錫以達賴喇嘛名號給與冊印俾其主持黃教由是遣平

逆將軍宗室延信固原提督馬繼伯加議政大臣銜
山東登州鎮總兵官李麟等率領陝甘滿漢官兵于
康熙五十九年夏四月護送達賴喇嘛自西寧出口
進征而策冷敦多布猶敢施其故智三襲我營俱爲
我軍所破斬獲甚衆賊帥胆喪大將軍又遣征西將
軍噶爾弼四川永寧協副將岳鍾琪爲先鋒統領川
滇楚浙滿漢官兵由蜀之打箭爐出口大將軍駐劄
木魯烏素居中調度秋九月大兵會于藏擒巨賊藍

占巴駝駝宰桑黑喇嘛偽藏王達格咱等招降逆羽
夷衆于是策冷敦多布計窮力竭狼狽遁歸西藏底
定人民奠安月之十五日送達賴喇嘛坐床

勅封承教度生達賴喇嘛將其地土人民賜之居于布達
拉有

御制碑文鑄石築亭于布達拉之南以誌其事其康濟僉
阿爾布巴隆布鶴頗羅鶴扎爾鶴等五人

賜封有差於大召寺內設立公所五人會辦西藏大小事

務康齊魯係後藏人昔爲拉藏罕仲意因準噶爾犯藏努力堅守阿里有功封爲貝勒管理後藏以西之北一帶地方並拉藏罕屬下台吉阿旺雲登都納爾等二十餘人及蒙古二千餘住居西藏均食藏內餉糧爲達賴喇嘛護衛遇有兵馬事宜卽帶此等行走阿爾布巴係工布人昔爲噶隆準噶爾犯藏堵禦工布口子有功封爲貝子管理工布以東一帶地方兵馬事務隆布魯係本藏人昔爲噶隆因策冷敦多布

侵藏同扎爾魯赴木魯烏素迎接大兵嚮導有功封
爲公管理西藏東北一帶地方兵馬事宜頗羅魯係
後藏人昔爲拉藏罕仲意準噶爾犯藏領兵迎敵被
擄堅心不降始封爲一等噶隆辦理達賴喇嘛商上
事務旋封爲一等台吉管理後藏扎什隆布一帶地方
兵馬事務扎爾魯係本藏人昔爲達賴喇嘛蒼儲巴
同隆布魯嚮導有功授爲噶隆又封爲一等台吉管
理藏內附近地方兵馬事務安輯奠定大兵凱旋至

雍正元年青海羅卜藏丹津犯順恐其擾藏時撫遠
大將軍年羹堯遣松潘鎮總兵官周瑛領川兵二千
餘名由打箭爐出口自霍耳甘孜一帶招撫未順番
夷以抵西藏年羹堯又遣雲南提督郝玉麟統領雲
貴官兵千餘員名駐劄察木多以爲聲援于次年六
月探報羅卜藏丹津遁入藏境之克里野地方總兵
官周瑛選精騎三百同員勒康濟鶴帶番兵萬餘由
楊八景一路兼程追逐至噶爾藏骨岔阻雪回兵是

年達賴喇嘛

勅封西天大善自在佛率領天下釋教達賴喇嘛予以金冊印雍正三年師旋陞周瑛爲四川提督于次年春撫插類烏齊一帶番民雍正五年貝子阿爾布巴公隆布魯白吉扎爾魯等謀殺貝勒康濟魯背逆不道藏民告變蒙

世宗憲皇帝命內閣學士僧格副都統馬臘兆岷協副將顏清如先馳赴藏撫綏人民以安番衆次年夏四月

特遣都察院左都御史查郎阿爲正帥護軍統領邁祿西
寧鎮總兵官周開捷副之率領永昌協副將馬紀師
神木協副將周起鳳花馬協副將惠延祖波羅協副
將劉永貴及叅遊各四員帶領滿漢官兵八千四百
餘員名由西寧出口

命散秩大臣兼鑾儀衛周瑛爲正帥化林協副將楊大立
夔州協副將張翌竝遊守各四員領川兵四千餘騎
由霍甘一路派雲南鶴麗鎮總兵官南天祥援勦

州協副將姚起龍廣羅協副將馮鑾及遊守各三員
帥滇兵三千名由昌多一路三路官兵尙未抵藏台
吉頗羅鶴糾後藏阿里扎什隆布等處番夷二千餘
衆直搗召地擒獲阿爾布巴等大兵到藏縛獻軍營
維時左都御史查郎阿等公同審實

奏其叛跡于九月晦日檄阿爾布巴隆布鶴札爾鶴等
併誅其子于布達拉之前藏地復安

勅封頗羅鶴爲貝子總管西藏事並議移達賴喇嘛于裏

塘以杜釁端由是留學士僧格副都統馬臘前鋒統領邁祿散秩大臣周瑛副將馬紀師竝遊守各四員秦蜀兵二千名鎮撫其地察木多留滇兵一千名派提督張耀祖劍州協副將姚起龍遊守各一員駐劄其地以作藏兵聲援是年十一月二十三日左都御史轉陞吏部尙書查郎阿西寧鎮總兵周開捷領官兵五千餘員名護送達賴喇嘛自召起程至裡塘四川重慶鎮總兵官任國學帶領兵一千名接替護衛

大兵卽由裡塘各回本汛已酉秋周瑛被劾回京就
訊派西寧鎮總兵官包進忠頂補周瑛之缺雍正八
年準噶爾侵犯巴爾庫爾卡倫駐藏大臣

奏准派學士僧格總領遊守各三員兵一千五百名及
唐古忒兵一千出防騰格里打木遏其奔藏之路復
于玉樹白兔河奔卡立馬爾納克產生根物角四處
各派千把總一員帶番漢兵數十名設卡偵探每年
秋雪降封山撤回藏內是年打箭爐口外之噶達地

方廟工告竣

欽賜匾額曰惠遠廟達賴喇嘛移駐焉裁化林協于惠遠
添協曰泰寧除協兵另駐兵千有八百均爲達賴喇
嘛之防護雍正九年春總兵官包進忠卒學士僧格
陞蒙古都統出防騰格那爾夏六月護軍統領青保
大理寺正卿苗壽泰寧協副將加總兵銜楊大立領
川兵千五百來藏換副都統馬臘及舊駐藏并臺汎
川陝兵一千五百名于冬月廿副都統馬臘統領換

回其駐察木多滇省官兵亦一例更換十年春陞青
保蒙古都統同加銜總兵楊大立出防騰格那爾楊
大立旋緣事解京秋七月轉陞青保滿洲都統是年
副都統李柱西寧鎮總兵官周起鳳四川督標中軍
副將張可才遊守各二員兵一千名更換都統僧格
前鋒統領邁祿永昌協副將馬紀師舊駐川陝官兵
而副都統李柱至甲工病故冬十二月總兵官周起
鳳領兵抵藏越四日永昌協副將馬紀師率川陝官

兵二千名回汛十一年春都統青保副將張可才出防騰格那爾復蒙

世宗憲皇帝軫念番民積年勞苦

特命于色拉召之間札溪地方另建城垣留兵五百名其餘撤回夏四月防兵回藏而京來換防之原任工部尚書副都統馬騰抵召于是都統僧格前鋒統領邁祿副將張可才率領官兵于七月中旬分撥起程八月城工竣重陽朔四日兵移駐扎溪新城十二年都

統青保大理寺正卿苗壽緣事拏解回京派出接替之散秩大臣伯阿爾珣副都統那蘇泰秋八月至藏阿爾珣卒于是月其駐劄察木多滇兵全議撤回汛塘川兵千名內減撤四百派都司一員統領移駐察木多雍正十三年準噶爾遣使求成蒙

世宗憲皇帝軫念生靈疾勞允其所請定界息兵又以達賴喇嘛久離藏地令其回召以遂其性

特命果親王至泰寧賜以筵宴派副都統福壽兵部郎中

祁山理藩院郎中拉布坦四川督標中軍副將張聖
學領駐防秦寧官兵五百名于夏四月護送達賴喇
嘛同章嘉呼圖克圖惠遠起程七月望二日抵召越
七日送達賴喇嘛至布達拉坐床八月二十三日郎
中拉布坦卒九月二十五日郎中祁山副將張聖學
帶兵二百五十名送章嘉呼圖克圖赴後藏禮班禪
喇嘛傳衣受戒冬至日事畢回召十二月朔三日頒

齋

世宗憲皇帝遺詔至藏乾隆元年章嘉呼圖克圖同齋
詔熬茶之侍衛等帶領副將張聖學併原護送達賴喇嘛
來藏之川兵自藏起程而入都矣

疆圍

西藏東至巴塘之南墩寧靜山爲界由拉撒行十里
許過機楮河卽藏江其渡設有皮木船以備通涉至
德慶有縱凡所謂縱者係傍山碉房乃其頭目牒巴
據險守隘之所俱是官署其平地無隘之官署名曰

噶至墨竹工卡皆平川俱設有縱設兵守隘自此東
行道路窄狹崎嶇難行工布 江達 拉里 說板
多 洛隆宗 昌都皆爲要隘各安兵設防按其地
康熙三十八年提督唐希順據化林守備王允吉等
原報一案興師克打箭爐定界于中渡康熙五十八
年永寧協副將岳鍾琪斬達哇藍占巴布木咱等九
人都統法臘于五月十八日令永寧副將岳鍾琪領
官兵一千進取巴塘令成都縣教諭楊世祿先行招

撫五月二十六日巴塘營官結果翁布二人隨楊世祿齎土地戶口冊近投副將岳鍾琪子奔卡木地方巴塘裡塘始定七月據差成都府同知馬世炳四川提標後營遊擊黃喜林報招乍了 察娃作貢 奔達 桑阿却宗 察木多等處五十九年大兵隨定西將軍葛爾弼于八月定藏雍正三年松潘鎮總兵官周瑛勘定疆址始定于南墩寧靜山嶺上爲界竝建分界牌嶺東之巴塘裡塘屬四川嶺西屬西藏其

中甸察卡中甸屬雲南三處疆界始分

西藏南至狽瑜茹巴之怒江爲界由拉撒東南行一日
過鍋噶拉大山至宋布堡過米噶拉山札拉山至押
噶交藏江至怒江皆有隘設防按其地疆址廣濶無
垠不能悉載而怒江之水不知其源江寬數里兩岸
壁削中流急湍人莫能渡其北一帶亦名工布綿亘
頗廣南卽狽瑜中隔一江狽瑜乃野人名老卡止嘴
割數缺塗以五色性喜鹽其地產茜草水竹紫草茸

不耕不織穴室巢居獵牲爲食藏內有犯死罪者人
解送過江羣老卡止分而啖之西南接布魯克巴爾
布通西洋等處其怒江之外莫知爲何地自怒江
北五日至咱義四日至桑阿却宗又九日至靈卡石
過浪滄江至察娃作貢又七日至阿布拉塘交南墩
大路一西至甲噶爲界拉撒召西行二十五里出東
閣兒關由業党楮過鐵索橋至干巴白爾極過甘不
拉云卽西崑崙山走仁蚌至扎什隆布由三桑撒噶

著虛等處過墨雨拉大山西至甲噶其駐兵防範按
甲噶亦頗廣濶其業党楮之鐵索橋乃第一守險之
區過橋由西崑崙山下至羊卓白地沿海行走其海
週圍數千里海中有山寺名多爾吉拔母宮由仁蚌
至日蓋子卽扎什隆布仍仲寧翁結巴寺之後山自
扎什隆布西行十日至三桑乃阿里地方交界由三
桑至崗得寨入河里噶爾渡地方頗羅萬長子朱爾
嗎特策登駐防之處查阿里地方甚大稍西北乃納

達克酋長得中南木查爾地土一半係谷古結塞地
土谷古結塞酋長之女與朱爾嗎特策登爲妻三部
通好其納達克谷古結塞二姓乃新撫之地甲噶西
北距準噶爾界西南通卡契纏頭回民界其扎什隆
布江孜西南地方爲前藏後藏屏藩一由納格爾八
日至怕爾與布魯克巴交界山川險峻難以出入亦
設兵防守一由業爾奇木樣納山業郎地方至結隆
與者木雄宗里口交界一由業爾斯卡祿納山業郎

塞爾地方交白布界俱屬險道互相通好安兵守隘
西南界址止此三部矣 北至準噶爾爲界由拉撒
西行過浪子至德慶俱有縱以守隘向北行出場八
景口至新橋卽平川西通後藏東接達旦西北一帶
有克里野大山廣濶爲準噶爾要徑過山卽準噶爾
葉爾羌地方各設卡拒防 按其地卽草地由克里
野山脚納克產隘口北通哈且得不忒爾又北直至
木魯烏素擺度等處乃交往西寧大道其東接玉樹

等處界又由楊八景至桑沱洛海過紅塔爾小山至
拉定過納根山卽騰格那爾打木地方係每年出防
處由吉扎布至生根物角隘東北至噶爾藏骨岔阿
爾坦諾爾一帶俱係通準噶爾界皆設有隘口截防
西藏東北直接西寧界由拉撒北行十里向色拉寺
東過郭拉至浪宕由隆竹松過彭多河有鐵索橋設
有皮船濟渡安兵防隘過河由角子拉熱正寺增項
工至木魯烏素卽西寧界駐兵爲汛守之地 按其

方爲四通之區東北接西寧所管之南稱巴彥等番族又通洛隆宗類烏齊地方由木魯烏素通西寧大道由玉樹接西寧松潘泰寧三處玉樹亦準噶爾來藏之路于玉樹之白兔河設卡東南接類烏齊地方山拉撒郎路山轉出大則其地有縱至唐家骨東有鐵索橋設有皮木船通渡憑河守隘由竹貢寺至沙金塘皆係草地走吉樹邊卡過江党橋至春奔色擦接類烏齊界通昌都大道

西藏東至打箭爐八十四日南至工布狽狽三十五
日西至甲噶九十五日北至生根物角四十日正東
至巴塘四川界正南至狽狽阿咱界正西至阿里納
達克交界正北至白兔河皂哈界東南至木魯巴東
雲南交界東北至娘錯松潘泰寧界西南至白布卡
契界西北至鍋壁準噶爾界以上所稱鍋壁者乃砂
磧之地寸草勺水全無凡呼拉者卽華言山也

山川

東方之山

祿馬嶺山不甚高綿長百里四時積雪烟瘴難行離藏七日過山二日至工布江達北有敵工隘以拒準噶爾倚山爲勢設橋爲防別無他徑可通乃西藏咽喉之地

濯拉漢人呼爲瓦子山層層頑石狀如瓦片故名上下約五十里路崎有瘴難行離江達二日

拉里山崎嶇險陡四時積雪上下五十里下至拉里

北接玉樹乃青海要津離濯拉一日

魯工拉不甚陡峻途長百餘里盛夏積雪不消纍有
數仞深者烟瘴甚盛最爲難行道旁之人畜骷髏棄
途填壑不知凡幾離拉里一日

砂工拉高險難行綿長百餘里四時積雪盛夏不消
烟瘴撲人亦是骷髏之地離拉里七日

賽瓦合拉雖不甚陡而綿亘百餘里四時積雪有烟
瘴離砂工拉四日過山二日至說板多又二日至洛

宗北通青海南接咱義堪稱重地間有夾坳出沒其

中

瓦合一柱拉不甚陡而路險難行一連四山相接綿
長百六十里四時積雪有深數十丈之窖行其上愁
雲瘴霧日色慘澹鳥獸藏跡別是一天風景按康熙
五十九年雲南官兵三百餘員名至此山下劄營一
夜風雪人馬盡僵離洛隆宗四日

過脚山路陡積雪綿長五十里有烟瘴離瓦合一柱

拉三日過山至昌都二日乃川滇西藏三界之中最
爲重地兩河環抱左右有大木橋東走四川南達雲
南西通西藏北通青海乃拒要之樞

昂地山陡險積雪有瘴途長百里離昌都七日

大所山崎陡積雪有瘴途長百二十里離巴塘一日
立登三巴山路陡有瘴途長五十里離巴塘二日
納哇奔松山路崎有瘴途長六十里離巴塘七日
撥浪工山有瘴綿長九十里離德靖營西一日

高日寺山途長六十里離德靖營二日

折多山路崎有瘴途長五十里離打箭爐一日自昌
都至此其中之昂地乍了洛家宗石板溝谷忝江卡
兒空子頂等處爲官角桑昂邦上下打拉一帶夾坳
出沒之所

東方之川

機楮河卽藏江有船通渡離召十里

王布江達河有橋設隘

拉里河離拉里東半里許夏秋泛漲湍急難渡

假夷三巴橋河離洛隆宗一日左山右河最險有橋
拉工河有橋離昌都西三日

六古三巴河有橋離昌都西三十里

察木多河分左右二江有大木橋察木道即昌都康平

金沙江即巴塘河沂江百二十里至竹巴隆過渡有船

雅隆江即中渡德靖營有船

南方之山

西辨言
鍋噶拉高大積雪難行途長百里離召一日

宗噶拉連絡重疊崎嶇難行途長八十里離召三日
扎拉路崎不甚險途長五十里與宗噶拉相連

南方之川

春結卽藏江

前后藏之河會流于南由赤書羅卜喜洛出藏境

洛巴河卽工布江達之水皮船通渡

怒江卽外夷界不可渡

西方之山

阿里拉高大多瘴途長八百餘里積雪奇冷不可行
甘不拉卽西崑崙山路崎難行途長九十里

鍋噶拉途長七十里路崎多瘴

墨雨拉高峻積雪有烟瘴途長百里

西方之川

業党楮河有鐵索橋乃守隘要地

藏布河

羊木陸海自扎什隆布至阿里夏天隨地皆水人呼

曰海

北方之山

喇根拉在騰格那爾東途長五十里

克里野拉千餘里淤沙積雪烟瘴逼人冬夏不可行
自楊八景入草地由哈拉烏素至玉樹白兔河等處
皆大山平川夏秋濕潮冬春多瘴

北方之川

彭多河有鐵索橋亦有皮船離藏三日

哈拉烏素皮船通渡離藏八日

阿克打木離藏二十五日

春良諾爾離藏九日卽天池也

寺廟

大召在拉撒內名曰老木卽建自唐時坐東向西樓高四層上有金殿五座闌于殿宇皆係銅底溜金宏做壯麗煥然奪目寶珍奇玩畢聚于內中殿供大佛名覺釋伽摩尼云自中土侍隋唐公主至藏年甫一

十二歲成聖西域或云自中國鑄請來者左廊有唐公主暨土蕃贊普竝白布國王女塑像祀之其內神佛萬計皆用大銅缸貯酥油點燈爲供惟唐公主前不點酥油燈樓頂東南隅金殿內有百喇末殿神名百喇末云係唐公主威聖神靈顯赫人民敬畏之漢人有稱騾子天王者內藏尙古軍器其劍長五六尺鳥鎗有八九尺一丈長者形與今之五子炮同弓韞箭袋亦甚大其箭有四五尺長者殊爲異觀大殿內

有明萬歷時太監楊英所立碑一通殿門外前廊壁
上繪有唐三藏師徒四衆像昔唐公主晚年好佛皈
依釋教故西向其門門外唐番和盟碑高約一丈五
尺寬約四尺厚約三尺兩旁刊有大臣太宰尙書等
字跡竝牛僧儒姓名但年遠模糊不能悉讀僅錄其
略載于後編碑旁有唐植古柳二株老幹盤屈若龍
虬然

小召在大召北半里許名曰喇木契樓高三層上有

金殿一座寺乃唐公主所建坐西因唐公主悲思帝鄉故東向其門殿內之佛像名曰珠多吉云係覺釋伽摩尼之弟甫八歲成佛又云塑像內卽唐公主肉身俗傳如此座上額書默瘥能仁四字南卽頗羅鶻住宅

垂仲殿在大召東半里許寺名噶嗎霞內塑神像猙獰惡煞內居護法乃喇嘛裝束仍娶妻生子世傳其術卽中華之巫類每月之初二十六下神頭戴金盔

上插鷄羽一束高約二三尺穿甲背插小旗五面周身以白哈達結束足穿虎皮靴手執弓刀登坐法台凡人叩問吉凶託神言判禍福出則人從裝束鬼怪執旗鼓鋌導引寺內多畜放牲野獸熊狼等類凡各大寺皆有垂仲亦有女人爲之者俱爲番人所敬信崇奉焉

木鹿寺在大召北小召東樓高四層亦頗壯麗廣濶乃係西番僧人習經之所寺西有經園造各種經文

頒行各處菊崗寺接連經園各種蒙古僧人學經之所樓高三層

玉奪三巴橋在拉撒之西一里墻係綠琉璃瓦所蓋云建自唐時漢人呼爲琉璃橋由此西行里許卽布達拉

布達拉乃平地起一石山高約二里許就其山勢疊砌成樓高一十三層上有金殿三座亦唐公主所建之宮室其金殿之下有金塔五座西殿有黃帽喇嘛

之祖師宗卡巴手足印在一黃酥油上日久不化各
殿中陳設歷代寶珍器皿充盈彙集達賴喇嘛居住
于內乃西藏第一勝區也招拉筆洞山寺在布達拉
西南山脚亦係平地湧起石山山頂建寺形如磨盤
漢人呼爲磨盤山登其上甚險山之南崖下卽藏江
寺內喇嘛皆業醫道

祿康揮木在布達拉後有一方池周圍約四里中築
一臺上建八角琉璃亭高四層又名水閣涼亭皮船

通渡召五世達賴喇嘛坐靜處

宗角在布達拉北二里許係達賴喇嘛避暑處後爲

佛姊居住

卽呼必爾罕之姊
雍正十二年病故

卡契園在布達拉西五里許勞湖柳林內乃纏頭回
民禮拜之所有魚池經堂禮拜臺花草芳菲可人

疏日崗在布達拉西七里許乃達賴喇嘛班禪喇嘛
往來停驂飲茶之所人亦呼經園

別蚌寺拉撒西去二十里依山佈立層樓數重周環

數匝內金殿三座有達賴喇嘛避暑花園一所每年亦至此講經一次寺內乃漢人蒙古西番楊土司管土司布爾康布木等處之人住居習學藏經有達賴喇嘛揀派掌黃教之呼圖克圖北薩楞布氣居此下山里許有垂仲殿乃護法喇嘛所居此處垂仲無妻室亦降神附體判斷禍福其他垂仲到處有之有有妻者有無妻者不能枚舉

仍仲寧翁結巴寺大召西去八日卽後藏扎什隆布

地其寺背山臨河院宇敞麗佛像莊嚴乃班禪喇嘛坐床之所各處朝禮番夷不絕于道凡學經成者必至此受戒取名熬茶施衆考班禪乃金剛化生第一世名桑吉年地楞桂凡轉生十三世第十二世班陳羅藏吉堅魯八觀

世祖章皇贈同五世達賴喇嘛十三世名直俊羅桑益喜我

朝疊加恩禮乾隆二年圓寂轉生十四世乾隆六年坐床

矣

撒家寺在扎什隆布境內有撒家班禪乃紅帽喇嘛之祖師其教喇嘛年少時娶妻生子俟有子後不復再近室家始登法坐按輦相傳尊尙亦同達賴班禪諺云若無其子則西番人當盡滅矣

多爾吉拔姆宮在羊卓白地海中自拉撒西行半月海中有山上建寺極宏麗有瀛洲蓬島之跡寺內乃女呼圖克圖多爾吉拔姆所居云北斗之精化生昔

牒巴三節亂藏時化猪遯去藏地呼猪曰拔故名
色拉寺召北十里依山成勢碉房層樓參差高聳圍
牆如廊內金殿三座圓亭數處達賴喇嘛歲至講經
一次寺有掌教呼圖克圖主之喇嘛約四五千衆內
有鐵杵一枝長不足二尺一頭如三稜錐一頭如人
頭狀者三如帚狀所執降魔杵云昔建寺時自西天
飛來者人咸爭禮之

達隆寺自召北行過郭納山一日寺亦宏麗喇嘛約

千餘

熱正寺自東北二日角子拉上寺內喇嘛衆多山徑
曲折鳥獸寂無欲觀喇嘛振鐸俄項山禽獐鹿諸類
畢集

楚布寺業郎寺去召北七十里之浪子地方各有掌
教呼圖克圖主之紅帽之宗名噶嗎巴黑帽之宗名
沙嗎納萬歷時曾入覲勅賜封號冊印至

世祖章皇帝賜勅封大寶法王印今承襲衣鉢者一名扎

哇楞布氣一名革桑楞布氣

甘丹寺召東九十里形勢同布達拉極其華麗乃宗卡巴坐床之所山上多有遺跡爲黃帽喇嘛發源之

地

江巴林寺在昌都其寺東向內有金頂一座樓台院宇宏濶壯麗亦康藏之勝區寺有掌教呼圖克圖二人一名教巴喇戈喜丹奔俄木一名拔巴丹奔姜錯桑鳶寺在召東二日內供

關聖帝君傳云唐以前其方多鬼怪爲害人民不安帝君
降聖除之人始蕃息土民建寺以奉之稱尊號曰草
塞結波其寺喇嘛頗衆達賴喇嘛歲至講經其地有
查洋宗山山上名多機扎古寺有洞高二千餘丈梯
木而上洞內石蓮花佛座前石几石盒內有白土可
食味如糝粍次日復生其洞須燃火而入座後有一
大海云作惡之人至此必失足墮海中番人畏憚而
不敢忽真正洞天佛地人心安得不怕

西藏寺廟不可勝計僅摘其著名最大者而錄如
右計康衛藏三處上冊有名之寺三千餘支糧之
喇嘛八萬四千餘衆其他不甚著名之寺廟喇嘛尤
多其呼圖克圖中之聲名最著者如西都楞布氣
多爾吉拔姆 扎薩楞布氣 三巴呼圖克圖
噶爾嗎呼圖克圖 阿嗎記仲呼圖克圖 阿里
竹孫呼圖克圖 阿噶仲吉地母呼圖克圖等類
亦難殫述各居大寺皆係番民所最崇信敬奉者

各有采地坐屬其方卽同該頭人管束番民祿養亦卽取給斯方凡大呼圖克圖之下必設倉儲巴一人辦理地方事務凡大寺院必設謚布喇嘛一名管束僧衆有一二品至沒品者量寺之大小酌其品第耳

天時

藏地高下不一寒暄各異平壤則熱高平則冷有十里不同天之語晴雨靡常風霾無定就拉撒而論其

地冬雖寒而不凜冽夏雖暑而不薰蒸清明立夏之間草木萌芽季春夏初之際麥豆播種收穫則在七八月之交蓋高下寒暄之各殊故先後遲早之不同也

物產

拉撒穀屬產青稞小麥胡豆豌豆菜子自他處販來者則菜豆黃豆冰豆稻米黑糖蔬屬則圓根葱蒜蔥茭近漢人自中國帶菜種有白菜蒿苣菠菜莧菜韭

萊羅葡萄蒿四季豆苦豆牲蓄則馬騾驢犂牛黃牛
長毛牛猪頗小至大不過四五十觔雞亦小野牲則
天鷲黃鴨白鵬大鷹黃鷹雉兔狐細鱗魚花果則芍
藥牡丹西天剪碎絨蜀葵金盞嬰粟虞美人山丹有紅
白二紫金蓮藏菊花有紅黃二色馬蘭松柏柳白楊桃林
檉胡桃自他處來者則葡萄棗杏服物則種子氈魯
毛氈錫鐵非造器血之錫鐵乃一種毛毯別名裁絨拉撒東至祿馬嶺
土民皆稱百巴出產同召工布江達產裁絨騾子大

頭狗其餘出產同藏自工布江達至寧多濯拉阿雜
一帶土民俱名工固拉里不產五穀以牧畜生牛羊
爲食大窩說板多洛隆宗土產皆同藏地說板多山
後有金廠有黑帳房洛隆宗南去二日有浪岩山產
青金石頗產麥豆牛羊豬雞蜂蜜恩達察哇作貢桑
阿却宗俱產稻米麥豆蜂蜜葡萄胡桃牛羊騾子雞
豬等物昌都產稻米粟穀生薑黃連麝香熊胆自拉
里至昌都土民皆種稻康巴拉撒之南春結一帶土

民皆稱百巴世居黑帳房者名洛巴產驃子大頭狗
栽絨竹木蕨菜茜草葡萄胡桃青杠木拉撒之西千
巴白爾極土民名衛巴羊卓白地至札什隆布三桑
一帶土民皆名藏巴物產皆與藏同阿里噶爾渡一
帶產稻米粟米棗杏拉庫兒碗札木扎呀碗其價有
值數千金者召北浪子一帶土產同藏氣候稍寒納
克產依克駝洛海一帶有海子鹽水毒水拉撒至楊
八景一帶有霍甘一種人居黑帳房以牧畜打牲爲

業天寒不生五穀產馬牛羊狐狸沙狐捨狸獾白豹
金錢豹虎麝香野牛野馬野騾兔雉鶴黃鴛黑鴛雪
鷄野鷄野葱蒜韭當歸甘遂桑駝洛海吉扎布生根
物角一帶俱名昂獨無人烟地多溫泉海子產白鹽
民咸資以食拉撒東北由哈拉烏素至達木一帶皆
蒙古與霍耳人錯居不產五穀惟藉牛羊

歲節

西藏年節如臘月大以元日爲年小以初二爲年凡

商民停市者二日各以茶酒菓肉等食物互相餽送
爲禮郡王于元日設宴布達拉請漢番官員及頭人
過年初九日大召內聚集各山寺喇嘛四萬衆迎接
達賴喇嘛諸佛登臺或有名呼圖克圖誦大經至
上元郡王及噶隆牒巴等各于大召周圍大放花燈
紮木架以五色油麵做人物龍蛇鳥獸下設木架數
層安設大燈周圍約數萬盞自黃昏點起至次早始
徹以天之晴陰風雪並燈焰之色占一年吉凶如是

夜天清氣爽月明無風燈焰光輝色正則一年人畜
安康五穀豐稔若天不明朗或遇風雪及燈焰紅白
爛爍乃爲不吉二十一日調集各處蒙古西番馬步
兵三千名頂盔貫甲執長矛弓箭鳥鎗藤牌馬亦從
頭至尾披掛五色甲裘各各跳舞放鎗遶召三次至
硫礮橋南點放火炮以爲迎神逐鬼其炮係銅鑄有
二十餘位內最大者一位上列威剿除叛逆五字鑄
自唐時事竣于布達拉庫內動發銀茶紬緞綾綿布

正金珠等物佈施僧衆以爲念經之資二十三日郡王及噶隆牒巴益有名大喇嘛各出八九名以至十四五歲幼童數名快馬數匹跑馬自色拉寺東山脚起由布達拉後至工布堂約三十里一氣跑到先到者賞緞紬哈達銀錢等物其次到後到者各分賞有差又選善走之人數十名自布達拉西跑至拉撒東止約十餘里亦一氣跑到別其先後分賞賞畢達召跑三匝而散此以爲一年搶標奪彩之戲至二十七

日迎色拉寺之飛來杵至拉撒轉召二月三十日布
達拉懸掛大佛其佛像係五色緞堆成自布達拉第
五層樓垂至山脚長約三十丈將大召中所有寶玩
金珠器皿陳列喇嘛裝束神鬼諸妖各番國人物牛
虎象等獸轉召三次至布達拉大佛前各跳舞歌唱
如此一半月間始散乃其地之春戲神鬼人獸等衣
着頗極精巧華麗其寶玩無窮不能枚舉六月三十
日別蚌寺色拉寺掛大佛亦裝神鬼等類垂仲下神

番民男女竝皆華服艷裝或歌或唱翻桿子跌打各種跳舞亦二寺之大會也七月十五日另僱牒巴一人以司農事其他之頭目牒巴陪之遊街佩弓挾矢旗幡導引遍歷郊圻以觀田禾射飲一日以慶豐年然後土民刈獲七月十三日其俗各將涼棚帳房下于河沿遍延親友不分男女同浴于河至八月初五日始罷云七月浴之則去病疾至十月二十五日夜云係宗卡巴成聖之日各家以及寺廟山院皆于窻

日
一
櫺牆壁間挨放燈數百不等光明如晝佈若列星亦
一大觀又云係古燃燈佛誕未知孰是亦以燈焰天
色占次歲之吉凶十月十五日唐公主誕辰番民男
女盛服而朝家戶飲酒十二月二十九日木鹿寺跳
神逐鬼喇嘛裝束各種神佛鬼怪至晚則達召放鎗
吶喊以爲驅邪逐鬼云爾是日各寺院俱有會男女
皆華服盛飾羣聚歌飲帶醉而歸以度歲節

紀年

西藏不識天干惟以地支屬相紀年亦以十二箇月爲一歲以寅爲正月仍有閏月但其閏月不同時耳如雍正十年壬子閏五月其地閏正月雍正十三年乙卯閏四月其地于甲寅年閏七月更有閏日之異而無小建如閏初一則無初二卽至初三矣或於月內摘去二日卽不呼此二三日假如二十六日次日卽呼二十八日每月必有初一十五三十其呼正月曰端郭餘月仍揆數呼之紀日惟以金木水火土五

行配與憲書無異推日月之蝕亦纖毫不爽云推算
占驗皆唐公主流傳者

風俗

西藏風俗鄙污人皆好佛貪財不以淫亂爲恥不知
臭穢輕男重女不設几卓床鋪老幼男女皆隨地坐
臥飲食惟茶爲最要次青稞炒麵酥油牛羊乳牛羊
肉等類但牛羊肉亦多生食而食米麵者頗少衣服
多係毛織男子有髮垢面不梳不沐婦女老少日以

糖脂或兒茶塗面貪淫嗜酒不啻狐行婚姻禮節迥不成風四方俗習并附

綠馬嶺一帶人頗勇健少賊盜民俱貿易人死碎割喂鷹如染瘟疫凶疾死者砍碎其屍或山或水分而棄之女未嫁髮順披嫁則將髮交叉搭頂上以紅哈達作圈勒頭上其他一切與藏同寧多 濯拉 阿雜 拉里 大窩 說板多 洛隆宗 浪岩坡

恩達 察哇作貢 桑阿却宗 昌都等與藏同

惟昌都女未嫁髮順披嫁則珊瑚作兩花如菊大戴額上出嫁再不歸寧卽回亦止于門外飲以茶酒母至女家亦然大凡女子婦人一概忌入人家以爲不祥也廟宇內更嚴忌之若喇嘛與人通姦則將兩造剝皮植草其屍或投水或棄野以示儆獨此異于藏春結一帶婦人以珊瑚作一圓花下墜白螺殼于眉間男人以黑絨作帽披栽絨褊單面色多紫黑色遠望不類人形死喂鷹餘與藏同

干巴爾極一帶婦女嫁有夫以綠松石金銀鑲圓花如鏡大如湯碗口帶于額上名曰玉老後戴一冠名策勒插一簪名押籠餘同藏

羊卓白地 札什倫布 三桑女嫁則髮紐細繩交頂上以珠石等類穿盤掛頭上頂帶密蠟素珠一串有大如茶盞者人死喂鷹或沉水孝服百日不梳頭餘同藏

阿里 噶爾渡一帶男子帽高尺餘或錦或緞爲之

項綴絳製彷彿冬帽婦女以珠作簾垂頭前後遮面項間穿圓領大袖衣著褐裙凡相見以哈達交換爲禮見長上不除帽唯以右手指自額上者三念唵嘛吽者三餘同藏

哈拉烏素 達木一帶居住皆蒙古同霍耳番子相參入死則遷居而遺屍于原住處男子衣帽同蒙古番婦戴白羊皮帽或狐皮帽髮細辮以琿渠石拉銅環戴辮間垂至脚跟行則鏗鏘有聲穿褚巴東琿渠

飾帶著皮巷食奶茶炒麵茶馬奶酒又另是一種也
衣冠

西藏衣服冠裳多用毛氍毹魯富者亦穿紬緞布疋
郡王頗羅鼉冬戴元狐帽或紅狐帽或錦或緞爲胎
夏戴綿帽制仿秋帽式高六七寸平頂絲纓捲邊約
寬二寸兩旁有袂以鱗緞或片錦爲之面上鑲獺皮
窄邊居長穿大領無袂小袖衣名曰褚巴皆以五色
緞錦或片子爲之亦用各色皮爲裡遇賀大節則穿

鱗衣貂皮披肩不穿大褂腰束金絲緞一幅作帶長六七尺腰匝二道亦帶小刀荷包之類必帶磁包一箇足穿香牛皮靴名曰頂頭畜髮左耳帶珠墜所乘馬亦掛兩踢胸其屬下之噶隆牒巴人等只帶一箇踢胸所著裳服皆與頗羅衛同惟髮不束不縮不梳披垂肩後戴栽絨平頂大帽無纓亦或戴緞狐各樣帽其栽絨毛長二三寸如羊毛狀手帶骨扳指拏素珠束皮鞵帶或緞或紬或毛錫帶不等帶順刀荷包

碗包識字者腰插鐵筒狀如小刀鞘內裝竹簽描金
皮盒內貯墨水小銅瓶一筒寫字時盤膝坐地以紙
捲摺成行左手持定置于膝上右手握竹簽蘸墨水
自左而右橫書畫匠則以鬚毛爲筆過節合或公事
鳴隆將髮分作兩股于頂上左右各縮一髻身穿蟒
衣上披片子褚巴牒巴將髮亦縮成一髻戴無翅白
紗帽乃唐之遺制也左耳墜金鑲綠松石墜約酒鍾
口大其形似鳥獸以兩爪竝嘴相擒掬一物狀名曰

瓊瑤右耳垂珊瑚墜用李大珊瑚兩顆上下金鑲名曰工紬身穿大領窄袖紬絲錦短衣以水獺皮走邊袖口用五色緞各一條相接前鑲獺皮下穿黑錫百摺裙名曰郭在足著皮巷上披紅錫褊單揷順刀帶腰刀繫大紅花緞帶一條其巡街之役名曰郭家哇逢時令會期亦穿鱗錦短衣黑錫裙帶腰刀繫緞帶不披褊單不縮髮戴白圈帽如箭鼓子邊樣手持木棍巡查打街自噶隆下至小民手上俱帶骨板指大

領無袂褚巴或布氈氈紬緞等着其貧富爲之不拘
顏色皆穿而所戴之帽亦同腰束皮帶或毛氈帶亦
帶小刀順刀碗包火鑷等物手拏素珠懷揣木碗其
褲子襠內開袂腰兩旁亦開袂腰如荷包口紮束腰
間婦女服裝粧飾頭髮從頂分兩旁搓如繩交腦後
梢以繩束之女子未嫁腦後另分一辮以寶石珍珠
珊瑚之類戴辮上若受聘則將夫家所定之金鑲綠
松石一大塊戴頂上嫁爲婦則不復辮髮矣居常以

紅綠裁絨作尖頂小帽戴頭上脚穿布靴或皮巷下
穿十字花黑紅錫裙名曰東坡前穿圍裙或紅褐或
各色紬緞爲之鑲花邊名曰班帶上穿小袖短衣長
齊腰間名曰文肘綾緞紬布毛褐皆爲之上披裁絨
小方單名繖手帶銀鑲珊瑚戒指名曰慈姑左手帶
銀釧名曰則籠右手帶硃碌圈寬約二寸名同箍乃
小時帶者至磨斷方已無論貧富必帶之云死後不
迷路且帶金銀鑲綠松石墜長寸餘寬七八分後面

有小鈎掛于耳上名曰額哥上連珍珠珊瑚串綴以銀鈎掛髮上名曰吞達下以連珍珠珊瑚串長六七寸垂兩肩名曰重雜貴賤不等皆項掛素珠一二串自珊瑚青金碑礮磁器至木株者富室帶蜜蠟珠有大如茶盞者又帶一銀盒名曰阿務內裝護身佛子母藥之類胸前必掛銀鑲珠石環長有三四寸寬寸餘兩頭有鈎乃掛衣扣者名曰的拉不拘貴賤皆有之稍富餘則戴珍珠帽以木作胎如繚笠式而厚硃

紅漆裡以金鑲綠松石爲頂周圍滿戴珍珠于胎上
價有百千金者老年婦人以金鑲綠松石一片如鏡
約湯碗口大立戴于額上名曰白玉凡戴白玉親友
作賀宴客其蒙古婦女髮亦自頂分兩股打辮子以
青緞或青布作套束之約寬寸餘長二尺許以鈎掛
髮辮際垂兩乳旁足穿香牛皮靴身穿長衣上蓋鑲
邊齊肩長掛其掛腰作細褶仿朝衣褶耳帶繫絲金
鑲綠松石墜或珊瑚墜臉不敷糖脂不披方單冬夏

俱戴狐皮帽

飲食

藏番蒙古不拘貴賤飲食皆以茶爲主其茶熬極紅入酥油鹽攪之飲茶食糝粳或肉米粥名曰土巴湯其次面菓牛羊肉奶子奶渣等類牛羊肉多生食而日食不拘頓數以飢爲度食少而頻男女老少皆日飲蠻酒乃青稞所釀淡而微酸名曰噶亦有青稞燒酒飲酒後男女相攜沿街笑唱爲樂

婚嫁

婚姻亦擇女婿首取門戶相當男識字者佳女以善生理識貨價理家務爲善亦通媒妁惟富庶牒巴之家方有之其餘多苟合如兩姓各知子女好否男家以一哈達託親友一二人云我有男願與某家女聯姻其某持哈達至女家云某家有男欲求汝女爲婦將哈達遞上彼此相樂如不推謝則云我于某日來說于是日女家遍招親友以候其媒乃攜男家酒並

哈達至云其子弟行止年歲女家父母親友喜尤則
飲其酒各受哈達另日媒人則將下聘之金鑲綠松
石戴于女子頭上名曰色賈仍以茶葉衣服金銀羊
腔牛腿各若干爲聘女家亦以禮回之如不允則男
家之酒一滴不飲哈達亦不受至迎娶之時男女家
必先延客數日亦以衣裙等物贈裝父母亦陪嫁田
土牛羊衣飾至其日不用車馬女家于門外搭一涼
棚內以方坐褥三五個高鋪于中將麥子撒爲花扶

女坐于上父母旁坐親友列兩行而坐用小几桌擺
果食糖棗各食物數盤以茶酒米粥與女食畢二家
親友則扶女步行遠則乘馬送親之親友各將青稞
麥撒其女而女家則將蒙子哈達共結一處贈散親
友送至男家各不行禮扶女與女偕坐飲以茶酒片
刻則扶開分坐親友各將哈達與男女長者掛于項
平交放于懷內或堆積坐前親友則列兩行而坐飲
茶酒飯食畢各攜菓肉而回至次日男女父母及親

友男女俱華服項掛哈達擁新婿新婦遶街而遊凡
在親友門不延入權以茶酒送至街中飲之飲酒則
團圓扶手男女跌坐而歌如是三日乃止

夫婦

西藏風俗女強男弱夫婦明媒正娶者少多皆苟合
其差徭輒派之婦人故一家弟兄三四人只娶一妻
共之如生子女兄弟擇而分之其婦人能和三四弟
兄同居者人皆稱美以其能治家凡做買賣亦屬婦

人如種田禾紡毛線織辮子當鳥拉人皆笑其無能
然不以淫亂爲耻父母不之禁夫婦不之怪如有外
交則明告其夫曰某爲我之英獨其夫怡然夫婦悅
則相守不願同處卽自擇所欲而適焉

生育

西藏生育子女不洗浴不剃頭落地時其母以舌舐
之至三日卽以清油酥油塗擦週身晒于日中數日
卽以炒麵調湯灌之多不與乳食稍長男子教書算

或習一技女子則教識戠秤作買賣紡毛線織氍毹
不習針工不拘女誠而生育以女爲喜風俗信重喇
嘛如一家之中子女多者必有一二爲僧女爲尼者

喪葬

西藏凡人死不論老少男女用繩繫成一塊膝嘴相
連兩手交插腿中以平日所著舊衣裹之盛以毛袋
男女羅哭用繩吊屍于梁延喇嘛念經以酥油送大
小召點燈或數十觔或百觔諒其貧富將死者所有

之物盡出以一半佈施布達拉以一半變賣作延請喇嘛念經竝熬茶及一應施捨之需卽父子夫婦亦不肯存留一物其屍放二三日或五七日背送剛人場縛于柱上碎割喂犬骨于石臼內杵碎和炒麩搓團喂狗剛人之人亦有牒巴管束每割一屍必得銀錢數十枚無錢則棄屍于水以爲不幸其喇嘛則喂鷹皆以火化築塔親友弔問窮者助以銀錢一二枚富者以哈達慰問竝送茶酒其孝服男女百日不穿

華服不梳不沐婦人不帶耳墜素珠而已他無忌富者時常請喇嘛念經以荐亡魂至一年乃止

醫藥

西藏醫名厄木氣藥不炮製皆係丸散亦診視而後用藥其視脉以左手執病者之右手右手執病者之左手一時齊脉不分先後但番人無論老幼男女小疾則以清油酥油遍體擦之暴于日中若陰天以絨單覆蓋用柏葉燒烟薰之重者始診脉服藥或刺血

然不論病之輕重必延喇嘛念經或珠巴念誦祈禳
珠巴卽道士之類或令童男女唱佛歌以祛之

占卜

西藏占卜之術不一有等喇嘛以紙畫八卦書番字
而占者有以青稞排掛抽五色毛線而占者或數素
珠而占者或畫地而占者或燒羊骨或看水碗種種
不一然亦有頗驗者大抵在所學之精淺耳婦女亦
有會者不能悉述

禮儀

自噶隆牒巴下至小番見郡王竝公等俱止卸帽子
手伸舌打半躬垂手曲腰各自就坐凡進見必遞哈
達一箇如中華投遞手本之意若係平交則彼此交
換爲禮卽書信中亦必置一哈達蓋如我之投刺之
意若路遇則側立抹帽垂手打躬其平民見噶隆牒
巴頭人之禮亦如之自郡王下至番民見達賴喇嘛
皆卸帽合手三禮拜曲腰垂手至法坐前達賴喇嘛

以手抹頭一下謂之討捨手

宴會

歲時令節郡王亦知宴客或在家或于各柳林中正
中鋪方褥數層郡王自坐前設矮方卓一二張上擺
麪果長尺許生熟牛羊肉藏棗藏杏藏核桃葡萄冰
糖回回果焦糖等類各一二盤其焦糖乃黑糖同酥
油熬成者長尺餘寬三四寸厚一指牛羊肉或一腿
或一大方隨時兩回鋪長坐褥前亦挨設矮卓擺列

果食等類各半郡王之半噶隆牒巴浪子沙仲意等
列兩行而坐或兩人一席或一人一席隨從人等各
就席後地坐每人給果食一大盤食則齊食先飲油
茶次以土巴湯再以奶茶抓飯乃纏頭回民所作有
黃白色二種用米作飯水淘過入沙糖藏杏藏棗葡
萄牛羊肉餅等物盤盛手抓而食繼飲蠻酒遇大節
會筵乃選出色婦女十餘人戴珠帽穿彩服行酒歌
唱近有能唱漢曲者又有八九十二三歲小童十數

名穿五色錦衣帶白布圈帽腰勒錦條足擊小鈴手
執鉞斧前後相接又設鼓十數面其司鼓者裝束亦
同每進食一巡相舞之于前步趨進退與鼓聲相合
揆其義倣古之佾舞歟食畢肉果等物俱各攜去不
留亦或設宴請漢官凡此食物等品自郡王下至小
民皆同惟行酒婦女童舞鼓吹除郡王而外他皆無
也總之主人上坐客至不起立不迎送若在主人之
上者始讓之其酒罐上必以酥油捏口上以爲致敬

碗皆自懷食已不洗以舌舐之民間宴筵男女同居坐亦同坐彼此相敬歌唱酌答竟日始散時男女團聚攜手跌坐而歌之至門外街中歌唱而散富者每

月二三

市肆

西藏習俗貿易經營男女皆爲一切縫紉專屬男子通用皆銀錢每箇重一錢五分上鑄番字花紋其名曰白丈以銀易錢而用若易貿碎小之物以蒙子哈

達茶葉酥油易換至市中貨物商賈有纏頭回民販賣珠寶其布疋紬緞綾錦等項皆販自內地有白布回民販賣氈氍藏錦卡契緞布等類皆販自布魯克巴勒布天竺二等處有歪物子專賣牛黃阿魏等物其他藏爾藏紬氈子氈氍藏布以及食物諸項藏番男女皆賣俱不設鋪面桌櫃均以就地擺設而貨

房舍

自爐至前後藏各處房皆平頂砌石爲之上覆以土

石名曰礪房有二三層者凡稍大房屋中
堂必雕刻彩畫裝飾堂外壁上必繪一壽星圖像凡
鄉居之民多傍山坡而住惟甲貢地方有草房其蒙
古住格爾牛羊厰住黑帳房而拉撒境內大房頗多
有可住數百人者如大召南之拉撒與廈內安設銅
鍋一口可盛水百十餘担以供念大經熬茶之用卽
此可類推矣

刑法

西藏相沿番例三本計四十一條所載刑法甚酷大
召旁有黑房數間拘繫罪人犯法者不論罪之輕重
皆禁于內用毛繩將四肢綁起聽候發落如二姓鬪
毆致命者將屍棄水凶手只罰銀錢充公竝給屍親
念經或銀若干牛羊若干追比全完而釋之無銀則
縛棄水中籍沒其家其搶奪劫殺者不分首從皆問
死罪或縛于柱上以鎗打箭射較射飲酒死則割頭
懸示或送貉獐野人食之或活縛送曲水蝎子洞令

蝎子食之若偷竊不道將全家鎖拿監內追比或一
陪三陪六陪九追完將正賊去目鼻砍手凡犯重罪
先以繩繫縛以皮撻數十拍于水中泡一時取起再
撻之如是者數次然後審訊口供如其不認則以滾
油滴其胸用大刀裂其肉再不招則細縛坐水中髮
分兩股以繩左右牽之用白粗布蒙面以水立澆之
不認再澆或于十指甲內下油簽若永不招供而後
釋放倘熬刑而死棄屍水中其刑法慘酷從未之聞

至爭鬪打架告理者罰銀曲多直少犯而不告者各
重罰無銀則以長棍責釋若犯姦情止罰銀錢隨其
貧富多寡不等亦或責釋但犯法無論男女俱于市
中去衣責之近亦有枷號者其刑法可知人之頑俗
之惡矣

西藏誌

封爵

西藏地處邊徼自漢唐以來難以備考迨至康熙五十九年定藏後始封康濟噶爲貝勒阿爾布巴爲貝子隆布噶爲公頗羅噶札爾噶爲噶隆雍正三年封頗羅噶札薩克爲台吉雍正五年阿爾布巴等謀殺康濟噶亂藏雍正六年天兵誅叛定藏七年頗羅噶封貝子總管西藏八年封其長子朱爾嗎特策登併

其婿那木札爾色不騰即康齊為台吉雍正九年封

頗羅鶴為多羅貝勒朱爾嗎特策登為輔國公十年

封那木札爾色不騰為輔國公封策零汪蓋爾通巴

鐘子三人為頭等噶隆十二年封其次子朱米納木

查爾並其弟諾彥和碩氣以及達爾札章陸占巴巴

雜鶴大衍台吉等六人為札薩克頭等台吉十三年

諾彥和碩氣卒頗羅鶴

奏請將伊弟色陳哈什哈襲職為札薩克台吉旋晉封

頗羅噶爲多羅郡王

委用頭人頭目皆由頗羅噶選擇亦取才品首取家
道殷實查郡王之下設噶隆數人總管各處事宜地
方設高爵一名察核境內各項事務倉儲巴數名專
司錢糧事宜浪子沙數名管理刑名並承辦各項差
務中科爾數名在大召辦寫文書票籤截記事務紀
綱數名清算賬目其中科爾紀綱半多世職凡放大
小村庄牒巴皆由此等人內選用至于出差頭人名

曰谷操傳事頭人名曰若尼爾管理家務頭人名曰業爾巴聽差之人名曰乃興巴其各地大頭人名曰牒巴次曰熱熬再曰千布蒙古之頭人名曰台吉曰宰桑曰那彥其統領兵馬之官有五總統之大頭人曰代奔今西藏一名羅藏達吉工布一名烏隆奈後藏一名班第他至其次曰甲奔管兵二百名再次曰如奔管兵一百名曰賴奔管兵四十五名曰局奔管兵十名又有小頭人曰郭渡以上所委之牒巴頭人

委管何方卽徵收其地錢糧以自食

西藏額設兵制馬兵步兵共六萬四千餘名內拉撒馬兵三千名後藏馬兵二千名阿里馬兵五千名稞塢馬兵一千名党子拉雜浪木錯等處地方黑帳房蒙古共馬兵三千名阿里並前後藏各處共步兵五萬名至上陣廝殺惟蒙古馬兵八百名頗勇其次阿里稞塢工布之兵尚健其餘之兵差等派兵之法于各地方鄉村抽派或十名五名不等出人不出馬出

馬不出入上陣亦穿盔甲其甲有柳葉有連環有鎖
子馬兵盔上插紅纓一大撮孔雀尾一枝帶腰刀鞞
袋背烏鎗執長矛步兵盔上插雄雞尾一束帶腰刀
揮順刀帶弓箭鞞袋執籐牌或木牌其木牌寬約尺
五六寸長三尺一二寸外用鐵皮包釘繪虎獸形以
五色羽毛裝飾帶弓箭腰刀已拿烏鎗者不執牌亦
有持長矛者箭以竹爲之鵠翎鐵鏃鏃如錐長三四
寸其弓木胎角面身稍俱短小而勁亦有用竹爲之

者以兩竹片合紮無稍靶旗幟分黃紅白黑藍五色
用紬緞布亦爲之其制長有八九尺至一丈一二者
旗頂毛纓各按旗色若對壘馬前走後糗糧隨地派
本兵馱帶每年于正二三月亦頗操演觀其打鎗射
箭跑馬跌撲演畢以哈達銀錢酒食賞之以獎其氣
至四月則派駐各隘口旣資防邊且兼牧馬也

邊防

西藏接壤外蕃界連蒙古雍正八年准噶爾侵犯西北

兩路軍營頗羅噶奏准夏初冰雪全消青草萌時派駐
藏大臣一員綠旗官兵一千五百名其次子台吉朱米
納木查爾帶拉撒兵一千名前赴打木騰格那爾地方
駐防派長子輔國公朱爾嗎特策登夏初帶蒙古番兵
二千名赴門里噶爾波魯多克三處駐防每年派其弟
諾彥和碩氣赴哈拉烏素訓練該地兵馬二千餘名卽
統領駐防約至九月雪封山徑撤回

休養次年仍往
又設要卡數處

一玉樹納克書每年派千總一員番漢兵各三十名

至白兔河駐劄一納克產每年派千總或把總一員
番漢兵各十名至特布駝洛海偵防 一奔卡立馬
爾每年派千總或把總一員番漢兵十名駐防探哨
一生根物角每年派千總或把總一員番漢兵各
十名駐防亦均於夏初草萌派往秋深雪降撤回其
附近拉撒口隘二處一浪宕離城五十里派漢兵各
番五六名 一怕爾離藏二十里派番漢兵各五六名此
二處專司盤詰往來人等其他隘口各就地之衝僻

量設番兵防守雍正十年駐藏漢兵二千名內議撤
一千五百名此後騰格那爾等處僅番兵駐防矣

徵調

頗羅衛未賜印之先凡有文書俱鈐紅色小圖記番
人用唐古忒字蒙古用蒙古字行則各遵之自噶隆
以下皆用黑色圖記雍正九年頒給印信始知用印
然素常亦不用一切文書信字用漢字小圖章文曰
名旺多羅貝勒記如徵調兵馬迅則頭目代奔催集

遠則文信傳調若要緊軍情則用傳旂以箭一枝縛
白哈達一個寫由飛遞傳催依限而到一無少悞凡
遇大小事務每日噶隆牒巴中科爾代奔等齊集大
召內白菓廊公議而行大事則頗羅儂亦至共議然
後行之其文卷三年一清舊案俱焚不存

賦役

西藏稅賦隨其出產或牛羊紫草麥豆青稞氈氍毛
氈皮張等或馬奶酥油雞猪野牲菓食金銀銅鐵酒

諸類皆隨所產上納設有公所名曰商上凡所納稅賦及張罰罪人銀錢俱存備公用並喇嘛念經之費至于土民之服役者名曰烏拉凡有生業之人毋論男女皆派卽他處來者或僅婦女但能自立烟灶租房居住者亦派多寡各量其貧富不等其頭目牒巴皆派用烏拉照所居室之大小派定應需之數或三四名或十數名照數輪派烏拉應役無人則雇窮民代之或每日每名納銀五分年過六十免之遇大差

則派牛馬駟騾富者應出若干貧者三四人公攤一頭匹藏地產馬少率由霍耳一帶及青海等處來者價頗昂卽中馬一匹亦須十七八兩至二十兩者

朝貢

藏衛地方乃賞給達賴喇嘛采邑免其正賦之貢今達賴喇嘛頗羅魯爲一班班禪喇嘛爲一班各間年一次遣額爾沁

漢云使臣喇嘛之使又稱堪布頗羅魯之使又稱囊貢

進

貢繕唐古忒字表恭請

聖安以伸誠敬其所進之物乃藏香藏杏藏棗珊瑚蜜蠟
珠子木碗金絲緞卡契紬卡契布等物其木碗有二
種一曰札木札牙木色微黃堅潤有細文云能避諸
毒每一個價值十數金以至數十金者一曰拉庫爾
木色微黃花紋畧大云亦能避毒價亦須數金

外番

西藏定自康熙五十九年十餘年來官兵往返其間
崇山鳥道盡屬坦衢荒服窮陬咸沾

德化于是藏之西南計程兩月有巴爾布一區天道和煖
產稻穀孔雀其民分爲三部一曰布顏罕一曰葉楞
罕一曰庫庫木罕于雍正十年間遣使來藏經駐藏
大人等奏蒙

聖恩允准內附賞頒勅封三道賜蟒緞玻璃磁器等物于
次年八月派員賚送至藏轉頒十二年正月布顏罕
等遣使來藏請赴京進貢謝恩又經轉奏奉

旨准其來京遂沿途供應四月二十日至藏起程共三部

奏章貢物譯出漢文附載

布顏罕奏書曰大主明鑒微末布顏罕雜雜噶麻爾
合掌謹奏大主聖體冲和微末布顏罕不勝慶幸蒙
大主仁恩賞給勅書緞疋玻璃磁器等項瞻仰聖明
曷勝欣慶聞大主仁化卽欲遣使請安拉藏不爲
轉奏計無所出今蒙貝勒奏請得沾大主天恩又得
遣使奏事伏願溫旨時頒邊鄙小罕普沾天惠矣鑒
之鑒之奏書微儀哈達一個珊瑚樹一株珊瑚一串

五十五個小珊瑚一串一百零八個琥珀一串四十
一個金絲織成卡契帶三條金絲織成卡契小帶五
條各色卡契緞三疋白卡契布四疋犀角一個孔雀
尾扇一柄孔雀尾一束黑香一包各色葯一包癸丑
年十二月二十八日奏

庫庫木罕奏書曰大主明鑒微末庫庫木罕合掌謹
奏大主聖體安和不任幸勝庫庫木罕以實心感戴
大主仁恩蒙賜勅書緞疋玻璃磁器等項向聞大主

天恩仁惠至于天恩温旨如此沛降實出望外今具
勒轉奏蒙賜勅書無涯天恩愛我生靈如同父母曷
勝欣慶特差巴瓦尼桑格爾恭謝天恩伏思庫庫木
罕邊鄙小罕惟賴大主仁恩以安其生仰乞温旨不
時下降奏書微儀哈達一個大珊瑚二個珊瑚六個
小珊瑚一串一百零八個金絲織成各色卡契帶十
條金絲織成卡契緞一疋銀絲織成卡契緞一疋孔
雀尾管子碗二個各色卡契布二十一疋白卡契布

五十九疋各色葯六包額納克特克巴爾布等處地
圖一張癸丑年十一月十七日奏

葉楞罕奏書曰大主明鑒微末葉楞罕合掌謹奏大
主聖體安和不勝幸甚向因額勒特罕不將大主天
威仁化曉諭我等今幸貝勒宣傳我等方知虔誠恭
順德遂賞賜勅書緞疋玻璃磁器等項如我親瞻天
顏不勝欣慶之至邊鄙小罕惟乞天主憐愛鑒之鑒
之奏書微儀哈達一個大小金錢兩個林親中內佛

一尊珊瑚一串一百一十八個小珊瑚一串一百三十六個香盒一個孔雀尾管子碗一個孔雀尾扇一柄金絲織成卡契緞一疋銀絲織成卡契緞一疋各色葯一包巴爾布帶一條白卡契布三疋各色卡契布十疋卡契緞三疋巴爾布布四疋星袞一包黑香一包阿魯拉三包癸丑年十一月二十九日奏

又布魯克巴一族離藏西南約行月餘其罕諾彥林親乃紅帽之傳天道頗煖物產與中國相彷彿南行月

餘卽天竺國界考其地唐時歸順賜冊印其文曰唐師國寶之印六字外有噶畢一族原係諾彥林親所分者日久其勢漸大後諾彥林親之呼圖克圖楚克賴納木查爾至噶畢地方噶畢卽留不放歸諾彥林親屬下地納瓦納二處百姓時潛赴噶畢朝禮由是二家成隙互相仇殺噶畢力弱于雍正十年投奔頗羅駕發兵助之敗諾彥林親于界地諾彥林親亦遣使于駐藏大人處歸誠並請赴京進貢彼時以兩家

家正當仇殺之際留使在藏備叙投誠進貢並兩造
仇殺緣由具奏次年差官前赴二家排解不就復于
冬十月差陝西督標前營遊擊和尚同頗羅魯所差
噶隆鐘子以及外委人員前赴適中之汪則城解勸
和合取永和印契帶二家貢使于甲寅年正月旋藏
差員伴送赴京蒙

世宗憲皇帝賞賜勅印邊員護送于雍正十三年夏五月
到藏噶畢東魯卜喇嘛卒於是地土人民仍歸諾彥

林親管轄其不願附之番民一百餘戶奏明給與牛種安插商約之汪則地方乾隆元年春諾彥林親齊拉卜濟親身赴藏朝拜達賴喇嘛畢于是年秋八月五日始回附譯出奏書云

天下含生共戴滿洲西立大正明鑒徵末布魯克巴喇嘛札爾薩立布魯克谷濟諾彥林親齊類拉卜濟等焚香望闕合掌叩頭謹奏爲恭請聖安仰乞天恩事西陲愚衆不知善惡妄行仇殺西藏貝勒致書論

宣大王天恩仁化我等不勝欣感遣使至大人貝勒處乞准歸命復蒙大王賜以生平未覩之異數天恩遠賚黃金蒲世界矣如天之大恩實萬世不能圖報惟有感激恭謝天恩但布魯克巴人愚如獸不知法教因與噶畢屢次構禍蒙駐藏大人轉奏特遣官員噶隆爲我等和解又蒙西藏貝勒親至則江宣諭大王天威仁化分晰利害每處安一牒巴照看辦事諄諄致書教訓我等俱各感激欣然和好自今以後

惟有感戴皇恩永遠安樂敬求者布魯克巴人等多
有不知法度者求大主賞以勅印以便管轄且愚人
上畏天威各守法度不致生事世世子孫永得安生
者皆大主再造之恩于大主別無所思伏乞憐憫時
降教訓鑒之鑒之爲此特差格隆巴爾冲恭請聖安
伏乞天恩竝獻土產各色卡契帶五條卡契緞一疋
珊瑚一串一百零八箇密蠟一串三十六箇五色花
布四疋布魯克巴布二十疋卡契小刀一把銀碗一

簡月之吉日奏

天下含生共戴滿洲西立大主明鑒微末布魯克巴
噶畢東魯卜喇嘛焚香望闕合掌叩拜謹奏爲恭請
聖安仰祈天恩事東魯卜上合天心恭順歸命仰願
大主恩威安生樂業恭請聖旨之時蒙賜以有生末
見異數大恩噶畢東魯卜不勝欣感經恭謝天恩實
不但今生雖萬萬世不能仰報惟有三寶佛前虔誠
諷經祝滿洲西立大主萬萬年耳但布魯克巴人等

生性愚昧如畜屢年生隙仇殺駐藏大人奏明大主
普愛生靈差官噶隆等爲我等和解貝勒又親至則
江宣諭天威仁化分晰利害教訓和好各處差牒巴
一名照着辦事復致書教訓如幼兒得母欣感無旣
今復和好惟感大主庇佑天恩永爲安樂而已拜求
者西立大主憐憫愚生賜以勅印得賴恩威便于管
轄所賜五城人民彼亦知敬畏各守法度以安其生
此滿洲西立大主憐憫再造之恩也鑒之鑒之爲此

特差使者商納克諾爾布恭請聖安仰祈天恩竝獻
土物奏書哈達一箇珊瑚八箇小珊瑚七十箇金絲
織成花緞一疋花布三疋象牙一根卡契帶五條白
卡契布三十疋密蠟一串一百一十五箇月之吉日
奏

新撫南稱巴彥等處番民七十九族查其地爲吐蕃
地居四川西藏西寧三界之間昔爲青海蒙古奴隸
自羅卜藏丹津變亂之後漸次招撫雍正九年西寧

總理夷情散秩大臣達爾奏請川陝派員勘定界址
分隸管轄十年夏西寧派員外郎武世齊筆帖式齊
明侍衛濟爾哈即遊擊來守華都司周秉元四川派
出雅州府知府張植遊擊李文秀西藏派出主事納
遜額爾黑圖守備和尚會同勘定近西寧者歸西寧
管轄近西藏者暫隸西藏其族內人戶千戶以上設
千戶一員百戶以上設百戶一員不及百戶者設百
長一員俱由兵部頒給號紙准其世襲千百戶之下

設散百長數名由西寧夷情衙門發給委牌每一百戶貢馬一匹折徵銀十二兩部議減去二兩奉

旨再減二兩計每馬一匹折銀八兩每年每戶攤徵銀八分歸西寧者交西寧道庫隸西藏者交西藏糧務處其西寧所管四十族之內惟巴拉喇布一族一司木魯烏素濟渡一司會盟遞文之差免其貢賦雍正十二年頒給唐古忒字律例係西寧夷情衙門從蒙古例內摘出繙譯者原議一年會盟一次三年後間年

會盟一次乾隆二年西寧總理夷情副都統保祝以
四十族番民漸知理法奏改間二年差章京一員守
備一員帶綠旗兵二十名蒙古兵五十名前徑會盟
一次其族分名色則阿里克 蒙古爾律 雍熙葉
布 玉樹 噶爾布 蘇魯克 尼牙木錯 固察
稱多 洞巴 多倫尼托克安兔 多倫尼托克
阿薩克 多倫尼托克列王 多倫尼托克阿永
多倫尼托克葉爾吉 多倫尼托克拉爾吉 多倫

尼托克典已 隆布 上隆布 札武 中札武

下札武 班石 上阿拉克碩 下阿拉克碩 上

隆堪 下隆堪 蘇爾莽 白利 哈爾受 格爾

吉 中格爾吉 下格爾吉 巴彥稱南 桑色爾

隆東 綽火爾 吹冷多爾多 覺巴拉 喇布

以上四十族共八千四百四十三戶計男婦三萬二
千三百九十名口除覺巴拉喇布二族七十四戶各
應差不輸貢馬外止納賦番民八千三百六十九戶

共徵銀六百六十九兩五錢二分乾隆三年地震傷
亡案內經總理西寧夷情副都統巴靈阿派員

高亮守備班第勘實傷亡無存六十五戶奏准永行
免賦外止實在番民八千三百四戶共徵銀六百六
十四兩三錢二分

納克書貢巴 納克書拉克什 納克書色爾查

納克書異魯 納克書崩盆 納克書達格魯克

扎嘛爾 上阿扎克 下阿扎克 夥爾孫提麻爾

夥爾扎嘛蘇他爾 夥爾川目桑 夥爾扎嘛蘇

他爾只多 娃拉 夥爾 嘛魯 寧塔 尼查爾

叅嘛布嗎 尼牙木查 利松麻巴 勒達克

多嘛巴 羊巴 夥爾 夥爾 夥爾 彭他嗎

夥爾拉塞 上崗噶魯 下崗噶魯 瓊布納克魯

葛魯 巴爾查 上奪爾樹 下奪爾樹 三渣

三納拉巴 樸俗以上三十九族計四千八百八

十九戶男婦一萬七千六百六名口徵銀三百九十

一兩一錢二分統俟藏兵全撤歸西寧管轄

碑文

聖祖仁皇帝御製平定西藏碑文

昔者

太宗文皇帝之崇德七年班禪額爾德尼達賴喇嘛固始

罕謂東土有

聖人出特遣使自人跡不到之區經仇敵之國越數年
始達盛京至今八十載同行善事俱爲施主頗極安

寧後達賴喇嘛之歿也隱匿不奏者十有六年任意
妄行拉藏滅之復興黃教因而允從拉藏庫庫腦兒
羣衆公同之請中間策旺阿拉布坦妄生事端動準
噶爾之衆肆行奸詐滅壞達賴喇嘛並廢第五輩達
賴喇嘛之塔辱峨班禪毀壞寺廟殺戮喇嘛名爲興
法而實滅之且欲竊據圖伯特國朕以其所爲非法
爰命皇子爲大將軍王又遣朕子孫等調發滿洲蒙
古綠旗兵各數萬歷烟瘴之地士馬安然而至賊衆

三次乘夜盜營我兵奮勇擊殺賊皆喪胆遠遁一矢
不發早定西藏復興法教賜今呼必爾罕冊印卽封
爲第六輩達賴喇嘛安置禪榻撫綏圖伯特僧俗人
衆各復生業于是文武臣工咸謂王師西討歷烟瘴
險遠之區曾未半載輒建殊勲實從古所未有而諸
蒙古部落及圖伯特酋長亦合詞奏曰皇帝勇畧神
武超越往代天兵所臨邪魔掃蕩復興蒙古所向遵
奉法教坎康藏衛等部人衆咸得拔離湯火樂土安

居如此盛德大業非臣下頌揚所能宣罄請賜御製
碑文鐫石召地以垂永久朕以何功焉而羣衆動請
不已爰紀斯文立石西藏俾中外知達賴喇嘛等三
朝恭順之誠諸部落累世崇奉法教無忽朕之此舉
所以除逆撫順綏衆興教云爾康熙六十年

唐碑

大唐文武孝德皇帝大蕃聖神贊普甥舅二主商議
社稷如一結立大和盟約永無淪替神人俱以證知

世世代代使其稱贊是以盟大節留傳之於後也文
武孝德皇帝與聖神贊普德之黎贊陛下二聖睿哲
鴻被曉之今永化亨矜愍之情恩覆其無內外商議
叶同務令萬姓安泰所思如一成久遠大治之績茲
覩同心以伸鄰好之義共成厥美今蕃漢二國所守
見管封疆洮岷之東屬大唐國界其塞之西盡是大
蕃地土彼此不爲殺敵不舉兵革不相侵謀封疆或有
積阻捉生問事設給以衣糧放歸合社稷山川無擾

各敬人神然舅甥相好之義苦難每須通傳彼此相倚二國常相往來兩路所差唐差蕃使並於將軍谷交馬其洮岷之東大唐供應清水縣之西大蕃供應須令舅甥親近之體使兩界烟塵不揚同聞盛德之名煩無驚恐之慮行人撤備鄉土俱安禮無相擾之犯垂恩萬代則稱羨之聲遍于日月所照矣蕃于蕃圖受安漢亦漢國受樂茲合其大業耳各依此盟誓永不移易當三寶及諸賢日月星辰之下共陳刑具

爲盟設此大誓約如有不依此誓蕃漢背約破盟者
求其禍殃也倘傾覆以及動陰謀者不在破盟之限
蕃漢君臣竝稽首告立周細爲文二君之德萬載稱
揚內外蒙庥人民咸頌矣

臺站

自打箭爐出口至藏計程不及五千里共安台八十

四處安汎十三處內撥浪工

把總一名
兵十名

裡塘

把總一員

兵二十
五名

海子塘

兵八名

立登三埧

兵十名

大所

兵十名

名 巴塘 守備一員 兵五十名 總管自察木 江卡

把總一員 梨樹 兵十 石板溝 兵八 阿足 把總

兵二十名 昌都 原駐雲南官兵一千

兵五 乍了 把總一員 說板多 把總一

十名 撤四百 留遊擊一員 領駐其地 總

管以西至藏一路之塘汛官兵

十名 後減 拉里 把總一員 兵五十

撤三十名 名後減存兵五十 江達 守備一

百二十名 後駐千

總一員 兵四十名

糧臺

打箭爐 裡塘 巴塘 乍了 昌都 西藏各駐

文職

員一

附錄

西藏拉撒召到後藏塞爾地方緊走十日係白木戎
交界由塞爾向西南緊走十八日到宗里口子有一
崖高約十五丈以木搭梯人往來行走馬不能通此
外再無別徑由宗里緊走八天到白木戎住地其白
木戎有一王子住的房子名曰勞丁宰俱在山上其
先之王名乂多郎吉止生一子名局密郎結今已承

襲其屬下有管事大頭人八名住地方大頭人五名
小頭人十五名所屬百姓繁雜一種名喚蒙身穿布
衣不遵佛教不行善事一種名喚總一生子幼時卽
以五色塗面成花面一種名喚納昂無論男女俱不
穿衣服下以白布纏之臥時以木爲枕一種名喚仍
撒男子只穿中衣長短齊膝婦女下身亦用布遮重
穿一中衣不穿上衣惟白木戎本地人民穿布服凡
男婦皆披藏紬褊單行坐必佩腰刀其地和煖產米

青稞豌豆麥子黃豆扁豆苳豆刀豆四季豆小米高
梁菽麥芝蔴玉麥甘蔗葡萄桃子石榴柑子栗子水
牛黃牛羊大牦牦羊大耳猪騾馬野猪崖羊虎豹等
物又產一種野象野獸其野獸羊身獨角乃獬屬地
有大寺二座一名白馬楊青一名札什頂有小寺十
八座其王局密郎結所管之地方內納噶爾漢 雜
納 餘隆巴 拉不立 額郎絀 隘巴 立巴
雜不立七處另設大頭人管束人民其方亦呼爲小

西天與朱巴連界中隔大江名曰巴隆江由白木戎東至朱巴南至西天盆烏子西至白布北至后藏日蓋子由西去十日尚屬白木戎管轄交西天界再行十日始到小西天不爾牙王子住處從此上船由海中行半月卽至大西天矣西藏相傳漢張騫曾至其地唐以公主下嫁贊普始通中國距京師萬三千餘里人惟好利貪淫仇殺無已勢小者則附之大族殊有列國之風其地所集人民曰土蕃曰纏頭曰卡契

曰白布曰西洋曰歪物子曰達子曰蒙古種類繁多不能殫述

乾隆二年造送理藩院入一統誌內開達賴喇嘛在布達拉白勒蚌廟內居住郡王頗羅鼐管轄衛藏達格布工布卡木阿里西拉果爾等處共大城池六十八處共百姓一十二萬一千四百三十八戶寺廟三千一百五十座共喇嘛三十萬二千五百六十衆班禪額爾德尼在札什隆布寺內居住管寺廟三百二

十七座共喇嘛一萬三千六百七十一衆境內大城池一十三處共百姓六千七百五十二戶仍歸郡王統屬自衛藏召東北走十二日至卡木拉里地方自拉里行二十六日至帮木南墩界自召正南走八日至帕爾城由帕爾行一日卽布魯克巴地界自召正西界接阿里地方自召至扎什隆布十四日由扎什隆布至阿里之噶爾渡地方三十二日自召正北至納克產二十四日納克產至書隆沙爾計程十五日

由書隆沙爾十八日至克里野城其阿里東南至竹馬郎城三日由竹馬郎城一日至奴城阿里正南至格地三日阿里西南至課羅城七日自課羅城至弄嶺拉城十五日阿里正西至納達城二日阿里西北自所管之魯都克城起十五日至準噶爾所屬葉爾羌木城爲界

一布魯克巴卽紅教喇嘛地其掌教扎爾薩立布魯克谷濟胡必爾罕與額爾德尼牒巴諾彥林親齊類

拉卜濟俱住布魯克巴蚌湯德慶城內管轄百姓約
四萬餘戶大小城五十處寺廟一百二十座共喇嘛
二萬五千餘衆其地界址東至戳裸烏魯爾兎族分
地方計程八日其戳裸烏爾兎卽猓猓野人國正南
至尼諾忒克地方爲界計程一十天正西至巴嶺木
鍾爲界計程十日正北至西藏所屬之帕爾城爲界
一巴爾布三罕一曰布顏罕住末作城一曰葉楞罕
住莽哈巴哈城一曰庫庫木罕住吉拉蘇拉魚卜城

三人共管百姓五萬四千餘戶其地界北正東自北
格爾達地方至巴拉打拉罕計程十日正南至巴爾
布至尼諾忒克計程七日正西至庫爾卡地方計程
六日正北至西藏所管之吉隴城卡二日自吉隴城
至藏計程二十三日

西藏誌

自四川成都抵藏程途

成都府四十里至雙流縣 五十里過黃水河至新

新津河

津河 三十里至斜江河 六十里至邛州 四十

里至大塘舖 四十里至北站 五十里至名山縣

四十里至雅州府 四十里至觀音舖 二十五

里過飛龍閣至石家橋二十五里過榮經河至榮經縣 四十

里至黃泥舖 五十里過越相嶺大山至清溪縣 七十里

至泥頭路平 三十里至林口崎路 四十里越飛至

化林 二十里至冷磧 四十里至瀘定橋 三十

五里至大烹坵 三十里過大崗山金釵壩至頭道

水 六十里至打箭爐相傳漢諸葛亮鑄軍器於此故名路崎嶇 四十

里出爐過至折多山根有番民三四戶 七十里至

納哇出卡路不甚險崎有烟瘴有人戶柴草 四十里至瓦磧路平

百戶一名 三十里至東惡洛路平有土 九十里

上八義 六十里至泰寧係噶 六十里過高日

雪山至臥龍石山高有瘴三十里至八角樓有人戶

三十里過雅龍江至德慶營四十里至麻蓋中

有人戶柴草九十里過剪子灣撥至西惡洛山大有烟

沒其中有土百戶四十里過山至哨嗎納洞有柴草五

十里過山至大竹卡人戶柴七十里過山漫至裡塘

有正副營官二員人戶多有大寺院地寒不產五穀微有柴草六十里上山漫至納

哇奔松無人戶柴一百里過山嶺至海子塘至拉

二塘有人戶柴草山路崎嶇五十里過山業龍塞

自成都進藏

有人戶

五十里過山至立登三埧

無人戶 柴草微

七十

里過大山

至大所有

無人戶有柴草山路陡嶮乃夾埧出沒之所

一百二

十里

過大山

至小埧冲

有人戶柴草天煖山路險峻崎嶇有烟瘴亦夾埧出沒處

三十里至巴塘

有人戶寺院正副營官二員天煖有柴草駐官兵糧台路崎嶇險窄

四十里

過山沿江

至牛古渡

有人戶

四十里

過金沙江

皮木船渡

至竹芭籠

有人戶柴草路崎嶇險窄自巴塘坐船一日可到

四十里

至工拉

有人戶

八十里過

空子頂

至莽里

有人戶柴草路

寬乃夾埧出沒之處

六十里過山至南登

有寺院人戶柴草寺名漢人寺昔雲

南官兵所建其山名爲寧靜山上有
分界碑乃雲南西藏巴塘分界之處
三十里過漫

至谷黍有人戶柴
草烟瘴
十里過漫
山至普拉有人戶
柴草
五

十里至江卡兒有人戶柴
草有夾琪
一百里過山至黎樹有

戶柴草有
烟瘴夾琪
五十里過漫
山至阿窄拉塘有人戶柴
草路稍平

四十里過二
山至石板溝有人戶
柴草
五十里過大
漫山至阿

足有人戶柴
草烟瘴
五十里過二
小山至谷家宗有人戶
柴草微
九

十里至乍了多人戶有大寺院駐糧台防兵少柴
有草路崎嶇多石其番人性野好盜

三十里至兩撒塘路稍崎嶇有人戶柴
草此塘係西藏安設
九十里過

雪山至昂地有人戶柴草有烟瘴 九十里過山至王

卡兒有人戶柴草 五十里至巴貢有人戶柴草 一百

里過二至奔地有草無柴少 八十里過山 五十

至蒙布塘有人戶柴草 五十里過山至昌都有人戶柴

草大寺院駐官兵糧台又名康名乃川滇藏交界處
又通玉樹納克書等處山高陡峻有烟瘴自巴塘至
此一帶番性狼狽好盜又有桑昂邦官角上
下瞻對等族夾渠出沒其間搶劫行路人物 五十

里至惡洛藏有人戶柴 五十里至過脚塘有人戶柴

六十里過脚脚至拉貢有人戶柴草山 六十里

至思達有人戶柴 一百四十里過九合至九合塘

有人戶柴草此山相連者四 四十里過大至麻里

有人戶柴草 四十里過大至三巴橋
又名假夷橋有人

險 八十里過地貢 至路隆宗有人戶柴草寺院並

險 六十里過漫大山 至紫安有人戶柴草大 五十里

至設板多有人戶柴草並大寺院正副營官 六十

里過大 至中譯有人戶柴草 四十里過大 至八里郎有人

草 一百二十里過賽及合山 至拉子有人戶柴草山

烟瘴

五十里過山至水填

有人戶柴草正副營官路積崎

六十里

至丹達

有人戶柴草路平而崎嶇

一百一十里過

沙工拉大雪山

至郎

吉宗

有人戶柴草山高陡險積雪烟瘴大

六十里至大窩

有人戶柴草有兩道

由小路六十里路窄險順溝走五十里路平夏水泛漲則難行

四十里至阿蘭多

柴廣草少人戶少路平窄崎嶇

八十里至甲貢

柴廣無人戶草少地產醉馬草若驟

馬候食之立斃路險窄崎嶇

六十里至多洞

有柴草微無人戶路崎嶇有水

一百里過

魯工拉大雪山

至插竹卡

無人戶柴草山不高而長積雪烟瘴難行

七十里過山至拉里

無柴微草有人戶大寺院駐防官兵路平大寒不產五穀

五十里 過拉里 至阿咱 無人戶柴草不產五谷 八

十里 沿海 至山灣 無人戶柴草 五十里 過瓦 至常

多 無人戶柴多草少山高陡崎 六十里至寧多 有

大寺院 戶柴草 七十里至江達 此處乃工布西藏咽喉重

柴草 五十里至順達 有人戶 八十里至祿馬嶺 有

戶柴 八十里過 祿馬嶺 至磊達 無人戶柴草山大

名蒲 六十里至馬素江 有人戶柴草白 四十里

各倉 至臨欽里 有人戶柴 六十里至墨竹工卡 有人戶

西藏志

由霍耳至察木多

三

寺院路平

六十里至拉末

八十里至德慶

四十里

至砌塘

人名菜里皆有人戶柴草並大寺院

三十里

過機楮河

至拉撒召

機楮河即藏江惟此河水向西流渡以皮木船

自成都至打箭爐計八百六十五里由爐至藏計

四千七百八十里共程五千六百四十五里計一

百站

自打箭爐由霍耳迭草草地至察木多路程

打箭爐四十里至折多山根

四十里

過折多山

至別始

路分 四十里至瓦七砦 四十里至卽砦堡 四十

里至八桑砦 五十里至上八義 五十里至汎馬

塘 三十里至雀雅 五十里過山至喇池塘 六十

里至我隆 七十里至甲撒楮卡 五十里至吉如

楮卡 三十里過山小至章谷 五十里山下至江濱塘

五十里至竹窩 三十五里過山至萌恭松多 二

十里過普王隆至甘孜 三十里過河至白利 五十里至

隆琪檫 四十里至阿甲拉洛 六十里至益隆

...

由霍耳至察木多

三

四十里至迭格界又名七登 六十里至羅登 六十里

至吉馬塘 五十里至格慈 六十里至楮泥拉沱

五十里至春科西河 四十里山至班的楮卡

三十里山下至巴戎 六十里至甲界 七十里至姜

党 六十里至草拉 三十里至草里工 三十里

過山漫至峽隆塔 五十里至哈甲 三十里至哈甲

峽口 三十里至冲撒得 六十里山過至熱了 四

十里山過至察木多

自打箭爐至察木多計三十九站共程一千七百七十五里路遙平坦草廣柴微此一帶番民多住黑帳房以牧畜爲主微生烟瘴

自察木多由類烏齊草地進藏路程

自察木多五十里至惡洛藏分路 六十里至杓多
四十里至康平多 五十里至類烏齊 五十里
至達塘 八十里至加木喇族 一百里至江清松
多 八十里至三岡松多 八十里過山四小至塞耳

松多 六十里至拉咱 五十里至吉樂塘 七十

里至察隆松多 即春奔色擦 七十里至江党橋 七十

里至拉貢洞 六十里至汪族 八十里至結樹邊

卡 有人戶大寺院 五十里至 三 福關 八十里至噶咱塘

七十里至葛現多 七十里至拉里堡 從右手進山溝

六十里至拉里界 七十里 過 山至吉克卡 七十

里至沙加勒 七十里至積華郎 七十里至哈噶

錯乍 六十里至胖樹 六十里至仲納三巴 六

十里至約定同古七十里至墨竹工卡 合進藏路

自察木多至墨竹工卡合大路處計二十九站共

一千九百一十里

自西藏白木魯烏蘇一帶至西寧路程

拉撒四十里至郎拉 三十里至們都 七十里至

甘定羣科爾 六十里至沙拉 有水田產荏草子可壓油 四十

五里至達隆 四十里 過鐵索橋 至夾藏堪 六十里至

羊拉 六十里至達木東邊 七十里至克屯西里

克 六十里至什保諾爾 六十里至噶欠 六十

里至哈拉烏蘇西邊 五十里至郭隆 五十至楚

木拉會們都而至楚木拉地方俱有水草無柴燒馬糞烟瘴 七十里至綽諾

果爾西邊 六十里至蒙古西里克 四十里至蒙

咱西里克東邊 四十里至沙克因果爾 六十里

至泡河老 五十里至巴木漢 六十里至索柯東

邊 五十里至依克諾木漢烏巴什 六十里至吉

利布喇克 四十里至因達木 四十里至阿木達

河 四十里 哈拉河洛 五十里至布哈賽勒自綽諾果

爾至此俱有水草 無柴燒糞有烟瘴 五十里至多羅巴克爾 六十

里至呼浪河 五十里至賽柯蚌 八十里至清河

插漢哈達 四十里至插漢哈達 八十里至插漢

額爾吉以上數處俱有水 草無柴燒糞微瘴 五十里至庫庫可達

五十里至柯柯腦爾 四十里至柯柯溝 五十里

至木魯烏素西河 七十里至哈拉河洛 六十里

至巴漢拜彥 三十里至烏河那腦 六十里至烏

河那峽 四十里至巴彥哈拉 以上數處俱有水草無柴燒馬糞無烟瘴

五十里至喇嘛托爾海川口 八十里至党塞勒

河 六十里至哈拉河 四十里至哈麻爾厄勒泰

四十里至且克腦爾 即星宿海 九十里至索羅木 即黃

河 七十里至黑悅爾打板 七十里至畢留圖河

口 四十里至畢留圖 五十里至埡里布拉克

五十里至得倫腦爾 六十里至哈倫烏素 五十

里至哈倫烏素 五十里至登努爾泰 四十里至

衣麻圖川 三十里至衣麻圖 七十里至沙拉圖

七十里至木呼爾 八十里至哈套口 三十里

至插漢鄂博圖 七十里至庫庫托洛海 五十里

至堪布灘 五十里至河什漢水 四十里至納拉

撒拉圖 前日 月山 四十里至駱駝額項 即土爾根自巴 彥哈拉至此俱

有水草無柴燒 糞微有烟瘴 六十里至東科爾 即丹 噶爾 九十里

西寧城

自藏至西寧一帶俱有番子蒙古住牧其生計種

地牧畜打牲各不等共計六十八站共程三千七百餘里

自藏出防騰格那爾路程塘口

西藏三十里至夾普 四十里至浪子 四十里至

奔里 四十里至德慶 五十里至楊八景 四十

里至卡子 四十里至乾海子 四十里至桑駝各

海 五十里至楮登立馬爾

即騰格那爾

四十里至那

根初多

每年出防先鋒下營處

自藏至那根初多即騰格那爾口計十站共程四百一十里

自藏出防玉樹卡倫路程藏之東北

西藏三十里至噶拉填 三十里至彭多 三十里

至墨隆堡 三十里至箭仲 三十里至松竹宗

三十里至勒敢多 三十里至朋多 三十里至俊

門 七十里至納的 八十里至八不弄 三十里

至桑多 八十里至江足卡 九十里至哈拉烏素

三十里至色爾龍 六十里至噶色卡 六十里

噶色里處

至江古郎 四十里至溫江松多 八十里至奪塞

爾 五十里至格焉爾卡 五十里至湯清 八十

里至江清八納卡 四十里至會項讓 五十里至

納喜塘 九十里至至春科塘 四十里至甲里剛

多 四十里至先布松多 六十里至東布松多

六十里至興東 一百里至必洛腮 六十里至擦

桑納 六十里至曲尺松多 七十里至晒多坡

一百二十里至噶順 五十里至噶璽 八十里
至魁清 一百里至納馬蠻地 一百一十里至江
溝八納巴 一百里至玉樹

自藏至玉樹計三十八站共程二千二百七十里
分小卡四處

庫二寨 白兔山 齊岔河 瀘右騰此四處逐
日分兵探哨

自藏出防納克產卡崙路程

西藏三十里至夾普 四十里至浪子 六十里至

拉咱爾 五十里至粗布以上人戶 七十里過大雪山

至阿里有柴草無人戶 八十里至甲仲 七十里至泥木

根舉 六十里至族貢 七十里至八角以上有人戶柴草微

五十里至大雪山根 九十里至臨卡宗 五十

里至蘭卡以上無人戶柴草 八十里至熱党有人戶柴草 六

十里至甲蜡人戶有柴草微 六十里至墊登 四十里至

魚骨栢二處人戶有柴草微 一百二十里至噶拉 五十里

至賀洛 七十里至插蕩粗固 七十里至日鏡

九十里至木慶 八十里至柏木填以上八戶柴草水俱無

八十里至按列 五十里至納克二處八戶有柴草微

自西藏至納克產計二十四站共程一千五百七

十里沿途俱有瘴氣又自納克產分小卡四處

特布托洛海離納克產十四日約程五百餘里其

地甚冷瘴氣甚

拉克擦離特布托洛海七日約程三百餘里其地

西別言
草微無柴有瘴

庫克擦離納克產十三日約程五百餘里有柴草

水俱微有瘴

此三處俱
孤兵防哨

扎克欽離庫克擦八日約程四百餘里其地柴草

水俱無每月派兵探查一次

自藏出防奔卡立馬爾路程

西藏三十里至克噶拉俱 五十里至蒙至 四十

里至又立場末 四十里至傑虫 六十里至拉末

八十里至烹多 三十里至熱正 五十里至擦
木桑 四十里至八達 七十里至揆娘庫 三十
里至三渠 七十里至奪洛得巴 七十里至哈拉
烏素 六十里至胖米麻 八十里至阿木多 六
十里至投順納哇 五十里至厦木訥熱麻 五十
里至圖爾君 七十里至熱麻拉撒 八十里至巴
思拉木期 八十里至白果東馬 六十里至布呼
江 七十里至遮隆 八十里至楚隆 六十里至

彭卡 五十里至奔卡立馬爾

自藏至奔卡立馬爾計二十六站共程一千五百
一十里自奔卡立馬爾分設小卡五處

噶爾藏骨岔 托克托賴 立拉撒 必隆奔卡
立馬口子

自藏出防生根物角路程

西藏十站共程四百一十里至騰格那爾 七十里

過大山至哈隆 三十里至雀雅 六十里過大山至錯
雪山

隆角 二十里至欺馬多隆此處供換鳥拉 五十里過山

至大海子 四十里至白納辛 六十里過山至白噶

哈力水 七十里至吉都烈路 六十里至拉卡爾

工多 五十里過山至八拉 四十里過山至查木哈

六十里過山至郎卡 九十里過大鹽池 三

十里過山至卡兩哈 四十里至西干工布 五十里

過山至哈干布 五十里過山至達干我所 四十里

至恩達哈 六十里過山至星于哈岡 八十里過山

至色爾松多 五十里過山至生根物角

自藏至生根物角計三十一站共程一千五百一

十里沿途處處有烟瘴無柴燒糞水草俱微

自藏由楊八景至噶爾藏骨岔路程

西藏五站共程二百里至楊八景分路 四十里至峽

布 七十里至桑駝洛海 五十里至楮定馬奔

四十里至桑吉馬丁 五十里至喇定初多 五十

里至騰格那爾界大海子邊 五十里至郎錯又名族隆角

六十里過大山山頂有海至過中 八十里過二山至章錯有海

四十五里海子頭 六十里至捉得爾 五十里至

那塘 五十里至巴業了 七十里至凍錯 七十

里至噶爾骨岔

自藏至噶爾藏骨岔計程二十站共程一千三十

五里

自藏由工孜一路至後藏札什隆布路程

西藏七十里至業党 四十里至降里 五十里至

曲水 五十里至巴子 一百里過山至白地 七

十里至郎噶子 五十里至咱納 六十至勒隆從左

手分路郎通 六十里至郭喜 七十里至江孜

布魯克巴 五十里至壯子 五十里至邊郎 六十里至郎地

及布 四十里扎什隆布

自前藏至後藏計十四站共程八百二十里

自扎什隆布由咱党至前藏路程

扎什隆布四十里至落窺 一百里至色木多 一

百二十里至年木胡打 九十里至能木宗 八十里至沙楮卡 七十里至咱党 七十里至白地 一百一十里至巴子 五十里至曲水 四十里至能工巴 四十里至獨隆崗 三十里至拉撒召 自後藏由咱党小路至前藏計十二站共程八百四十里

自藏至布魯克巴路程

西藏七十里至業党 六十里至札什彩 八十里

至巴子

以上三處有人戶田禾樹柳柴草少

一百里至白地

有人戶土官有

微草無柴

七十里至郎噶子

有人戶土官無柴有草

一百十里

至勃隆

少有人戶無柴有草

七十里至列隆

有人戶田地土官微草無柴

五十里至殺馬達

有人戶田畝有柴草

六十里至噶拉

有人

戶田畝有草無柴

五十里至遐拉

有人戶田畝有柴草

六十里至

怕爾

微有人戶田畝無柴有草係布魯克巴噶畢西藏三處交界駐大牒巴及管領兵馬代奔

四十里過至香郎

有人戶係土墻板棚獨房有柴草水田出稻谷其天時與中華同自

怕爾過山即產各種竹木

七十里至仁進步

三十里至東噶

拉二處俱司香郎

四十里至喇嘛隆

有人寺院餘俱不及香郎

五十

里至西木多

有人戶柴草大寺院內住大喇嘛吉賽吉書郎諾彥林親之兄弟

三

十里至札什曲宗

有八戶柴草大寺院乃諾彥林親避暑處

自藏至札什曲宗計十七站共程一千四十里再

行二日地名坪湯即諾彥林親住處惟西木多札

什曲宗夏日稍涼故至此處避暑其方產稻谷麥

豆黍稷各種瓜菓蔬菜鵝鴨雞猪等類衍于中國

自松潘出黃勝關至藏路程

出黃勝閣關 六十里至兩河口路分 八十里至出

皂 七十里至甲望麻望 五十里至殺鹿堂 六

十里至八嗎 六十里至江地克里麻 八十里至

龍溪頭以上皆有水草無柴 七十里龍溪頭由揀漢拜勝分路向正南至途神兔過

黃河至吾浪莽 八十里至宗卡爾 七十里至揀漢

托灰 七十里至殺那吾舊 六十里至七氣哈賴

七十里過大雪山至安定達琪 七十里至途龍兔老

五十里至塔奔托洛海 六十里至丹仲營 六

十里至牒倫頓 八十里至中牒倫頓 八十里過

雪山至牒倫頓 七十里至吾浪牒倫 二百四十

里自吾浪牒倫分作四站每站六十里 至古爾分索羅木合西寧進藏之大路

自黃勝關至合西寧進藏之庫庫賽計二十四站

共程一千五百九十里

自兩河口分路至西寧舊洮河洲 青海路程

兩河口七十里至雜牛洞 八十里過狼架嶺雪山 至栢香

林 五十里至大草場 四十里至答建寺 五十

里至下巴坐 六十里至潘洲以上水草燒柴俱有 八十里

至龍溪頭 六十里至獨磊庫以上二處有水草無柴 六

十里向北至熱党 六十里至獨倫 八十里過大小

二至丹倫 八十里至納布鍋以上有水草柴 八十里至

攬隋有水無柴草 八十里至舊洮州

自兩河口至舊洮州計十四站共程九百三十里

兩河口四百九十里分作八站至獨磊出庫 六十里至

物藏 四十里至瑣胡盧分路 七十里過黃河至插溪

拜勝 六十里至布勒哈數 六十里至屢納圖

六十里至巴溪海流圖 四十里至安這谷圖 六

十里至吾浪 六十里至納木漢 七十里至巴納

布哈 八十里過山至莽鶴 七十里過山至郎岸以上

俱有水 八十里至歸德 六十里過山黃河進溝至郭密

草無柴 八十里過山大至康城溝 五十里進閘門至申

六十里至西寧府城

自兩河口至西寧計二十五站共程一千五百五

十里

兩河口五百五十里

分作九站

至熱党 六十里至江托

六十里至洮河腦

八十里至多提

五十里至

黑銼 八十里至舍納

八十里至殺馬關 七十

里至河州

自兩河口至河州計十六站共程一千三十里

兩河口八百四十里

分作十四站

至巴漢海流圖

六十

里至吾浪勒革

七十里至巴漢土爾根

六十里

至依克生爾根界 六十里至依克生爾根 七十
里至插漢諾木漢 六十里過黃河至插漢托洛海
一百三十里至青海

自兩河口至青海托二十二站共程一千三百五
十里

兩河口至河州青海

西苑言

四十一